

1930 йил  
12 майдан  
чиқа  
бошлаган



# ШОБИҲА

ЎЗБЕКИСТОН RESPUBLIKASI ИИВ НАШРИ

№ 17 (3337)

2000 йил 27 апрель, пайшанба

Сотувда эркин нархда

## Бош муҳаррир минбари

### БИЗ БИРГАЛИКДА ЯНАДА КУЧЛИМИЗ!

Болани оддий савол билан бошламоқчиман: қўшнилар қандай яшаши керак? Албатта, аҳил ва ҳаётнинг қийин дамларида қўлни қўлга беришлари, ўзаро алоқаларни мустаҳкамлаб боришлари зарур.

Қардош Ўзбекистон, Қозоғистон, Қирғизистон ва Тожикистон республикалари халқлари асрлар оша айнан ана шундай ҳаёт кечиришмоқда, юзага келган муаммолар биргаликда ҳал этилиб, керак пайтда куч ва имкониятлар бирлаштирилмоқда.

Ўтган ҳафтанинг охирида ушбу анъана янги мазмун билан бойитилди. Президентимиз Ислам Каримов ташаббуси билан Тошкентда Ўзбекистон, Қозоғистон, Қирғизистон ва Тожикистон Президентларининг учрашуви бўлиб, унда минтақавий ҳамкорлик ва мамлакатлараро муносабатларга доир масалалар муҳокама қилинди.

Учрашувда кейинги пайтда мамлакатларимиз ташқарисида реакцион экстремистик кучлар ва халқаро терроризм кўринишлари фаоллашаётгани кузатилаётгани, улар давлатларимиз мустақиллигига ҳавф солиш, минтақадаги ижтимоий барқарорлик, республикалардаги фуқаролараро ва миллатлараро тотувликка путур етказишга уринаётгани, тўрт мамлакат халқлари фаровонлиги, мустақил ривожланиши ва жаҳон ҳамжамиятида обрў-эътибор топиши кўзлаб бунёд этилган пойдеворни қулатмоқчи эканлиги ҳақида гап борди.

Шу боис, Президентларнинг диққат-эътиборини тортган асосий масала террорчилик, диний экстремизм ҳамда халқаро уюшган жиноятчиликка қарши кураш, минтақага таҳдид солаётган бошқа хавф-хатарларнинг олдини олишдаги ўзаро ҳамкорликни мустаҳкамлаш бўлди.

Тўрт мустақил давлатларнинг раҳбарлари ўртасида бўлиб ўтган музокаралар натижасида террорчилик, сиёсий ва диний экстремизм, халқаро уюшган жиноятчиликка қарши кураш ва минтақа давлатларига таҳдид соладиган бошқа хавф-хатарнинг олдини олиш ва ҳар қандай ташқи таъсирдан ягона фронт бўлиб ҳимояланишга қаратилган ҳамкорлик тўғрисидаги Битим имзоланди.

Ҳамдўстлик давлатларининг жанубий сарҳадларидаги қўшни мамлакатлар, хусусан, Афғонистондаги вазиятни эътиборга олиб, шуни айтиш лозимки, Президентлар И. Каримов, Н. Назарбоев, А. Акаев ва И. Раҳмоновлар томонидан имзоланган Битим ўта амалий аҳамиятга эга. Хусусан, мазкур Битим ташқаридан келадиган хавфни бартараф этишда мамлакатларимизнинг куч-қудратини бирлаштириш, тезкор чоралар кўриш имкониятларини кенгайтиради.

Президентимиз Ислам Каримов ушбу ҳужжатнинг аҳамиятига тўхталар экан, унинг минтақамиз давлатларига террорчилик, уюшган жиноятчилик, наркобизнес, ақиданарастлик сингари офатлар таҳдид солиб турган ҳозирги шароитда бир ёқадан бош чиқариб иш кўришда муҳим ҳуқуқий асос бўлиб хизмат қилишини алоҳида таъкидладилар.

Давлатимиз раҳбари шунингдек, Афғонистонда нотинчлик ҳукм сураётган экан, аввало, халқаро ҳамжамият ҳамон жиддий эътибор бермаётган шу муаммони ечиш устида ҳамкорликда бош қотириш кераклигини айтиб ўдилар.

Шу ўринда Ўзбекистоннинг ушбу муаммони ҳал этиш учун саъй-ҳаракатлар олиб бораётганини эслатиб ўтиш жоиздир. Бугунги кунда Президентимиз ташаббуси билан тузилган "6+2" гуруҳининг фаолияти изчил давом эттириляпти. Унга БМТ Хавфсизлик кенгашининг уч аъзоси – Россия, АҚШ ва Хитой қўшилди. Ҳозирда Франция билан Буюк Британия ҳам қўшилиш истагида.

Учрашув иштирокчилари Афғонистон аллақачон наркобизнес ва терроризм учоғига айланиб бўлганини таъкидлашди. Айни пайтда у ерда гиёҳвандлик ўсимликлари етиштириладиган майдонлар ва уларни қайта ишловчи лабораториялар, кўпоровчилар тайёрлайдиган лагерлар мавжуд. Уша гиёҳвандлик моддалари ва террорчилар дунёнинг исталган мамлакатларида пайдо бўлиши мумкин. Демак, бу хавф фақат Афғонистоннинг қўшниларидагина эмас, бутун дунёга таҳдид солмоқда.

Имзоланган тўрт томонлама Битим тарихий аҳамиятга эга. У мамлакатларимиз мустақиллиги, чегараларимиз дахлсизлиги ва халқларимиз осудалигини таъминлашга қаратилган. Унинг минтақамизда ташқи хавфга қарши яратилган ягона ва мустаҳкам фронт ҳамда муҳофаза соҳасидаги иттифоқчилик асоси, деб баҳо олгани ҳам бежиз эмас.

Учрашув чоғида, шунингдек, Ўзбекистон Президенти Ислам Каримов ва Қозоғистон Президенти Нурсултон Назарбоев ўртасида икки томонлама музокаралар бўлиб ўтди. Унда икки халқ муносабатларига тааллуқли долзарб масалалар кўриб чиқилиб, ўзаро манфаатларга доир минтақавий ва халқаро муаммолар бўйича фикр алмашилди, шунингдек, кейинги пайтда икки мамлакат ўртасидаги дўстона муносабатларга путур етказувчи асоссиз овоза-ю, миш-мишларга чек қўювчи Қўшма баёнот имзоланди.

Тўрт мустақил давлат Президентларининг Тошкент учрашувида имзоланган ҳужжатлар ҳуқуқни муҳофаза қилиш идоралари ходимлари олдида ҳам масъулиятли вазифаларни қўймоқда. Уларни ҳаётга жорий этишни асло кечиктириб бўлмайди. Бу эса бугуннинг ўзида мамлакатимизда тинчлик ва осойишталикни таъминлаш, фуқаролар хавфсизлигини мустаҳкамлаш, уларнинг баракали меҳнат қилишлари учун шарт-шароитлар яратиб беришга қаратилган барча ишларни янада фаоллаштириш кераклигини тақозо этмоқда.



Мана, Қарор ҳам чиқибди, бизни уйда кутишяпти, дўстлар!



**САА ЭЪТИБОРГА БУЛАМТ,  
БИРОДАР!**

**РЎЗБОР САЛТАНАТИНИНГ  
9 СУЛТОНИ**

**“БУ КИМ, 10  
ЖАЗМАНИНГМИ?..”**

**ЖУРНАЛЛАРИМИЗНИНГ**

**ШИТ**  
2000 май  
№3

**ҚАЛҚОН**  
2000 май  
№3

**НАВБАТДАГИ СОНИ  
БОСМАДАН ЧИҚДИ**

**ГУНОХ**  
Ориф ФАРМОН

**KELGUSI HAFTA UCHUN  
MUNAJJIMLAR BASHORATI КРОССВОРД**

ОЙНАИ ЖАҲОН ДАСТУРЛАРИ – ТўЛАЛИГИЧА БИЗНИНГ ГАЗЕТАМИЗДА



# САА ЭЪТИБОРАИ БЎЛИК, БИРОДАР!

Огоҳ бўлмоқ, хушёр бўлмоқ, тева- рақ атрофга шунчаки қарамасдан, балки зийрак назар билан боқиш, тий- рақ кўз билан қараш. Булар замирида кўп нарса ётибди. Энг аввало Сизу бизнинг барчамизнинг тинчлигимиз, соғлиги- миз шунинг негизиди. Кейинги пайтда хушёрлигу огоҳликка кўпроқ даъват қилин- моқда-ю, аммо ҳақиқатан ҳам хушёрроқ бўлолмаёймиз назаримда.

Яқинда Республика Ички ишлар вазирлиги томонидан махсус тадбир ишлаб чиқилиб, вазирликнинг бир неча масъул ходимлари Тошкент вилояти ҳудудида жойлашган кишилар гавжум бўладиган бозорларда, кўп қаватли уйларнинг ён атрофларида, шохбекатлар ва ҳатто автобуслар ичларига ҳам махсус тайёрланган қутичани қўйиб фуқароларимизнинг эътиборини, синчковлигини синаб кўрдилар. Бир нарса қувончлиги аксарият жойларда кўпчилик фуқароларимиз бунга дарҳол эътибор қилишиб ўзларининг ҳатти-ҳаракатлари билан бу шубҳали қутилардан атрофдагиларни огоҳ этишиб, бу ҳақда милиция ходимларига ҳам мурожаат қилдилар. Аммо, афсуски баъзи жойларда маз- кур қутича айрим кишиларнинг оёғини остига қўйиб кетилса- да унга заррача эътибор қилин- маганлиги бизни ташвишга солди.

дақиқа ўтганидан сўнг унинг йўловчилари ва шохбекатда назоратчи бўлиб ишловчи Х.

новчи автобусларга ҳам шарт- ли кути қўйилганда янада ажабланарли ҳол юз берди.



Зокиров билан суҳбатлашил- ганда улар шартли портловчи модда ким томонидан ва қачон қўйилганига эътибор беришма- ганини таъкидлашди.

Чунки, автобус жўнаб кетгани- дан сўнг орадан 10-15 дақиқа ўтгач, автобуслар тўхтатилди. Аммо, нафақат ҳайдовчи ва на- зоратчилар, ҳатто ушбу қутича- нинг ёнида ўтирган кишилар ҳам унда нима борлигига ва кимга тегишли эканлигига эътибор ҳам қилишмаган.

Шунингдек, Ангрэн шаҳри- даги 2-йўналиш бўйича қатнов- чи автобусга ҳамда Ангрэн-Ян- гиобод йўналиши бўйича қат-

### Махсус рейд

Олмалик шаҳридаги Китве кўчасида жойлашган 4-уй, 5/2 кичик тумандаги 15-уй ертўла- ларининг кириш жойлари очки- ли аниқланиб, бу ерга шарт- ли портловчи моддалар қўйиб кетилади. Орадан 4 соатлар чамаси вақт ўтгандан сўнг бо- риб кўрилганда қўйилган қути- ча жойида турганлиги ва унга ҳеч ким эътибор бермаганли- гининг гувоҳи бўлди.

Шаҳарнинг Амир Темур кўчасидаги 24-уйнинг кириш жойига ушбу қутича кўпчилик кишиларнинг кўз ўнгига қўйиб кетилди. Орадан ярим соат ўтгач, қутичанинг ўрни яна шу тарзда ўзгартирилди. Аммо, бу жараёни кузатиб турган ки- шилар унинг нега бундай қили- наётганига заррача эътибор қилмадилар. Шундан сўнг ушбу қутича Олмалик шаҳридаги "Ойдин" деҳқон бозорининг кириш дарвозаси ёнига киши- лар гавжум бўлган жойга қўйил- ди. Аммо, юқоридаги каби бунга ҳеч ким эътибор қилма- ди.

Албатта, бундан мақсади- миз кишиларимизнинг лоқайд- лигини танқид ва бу айбини таъна қилиш ҳам эмас. Аксин- ча, шунча гап-сўзлардан, бўлиб ўтган воқеалардан кейин ҳам бундай лоқайдлик ва эътибор- сизлигимиз жуда қимматга ту- шиши мумкинлигини эслатиб қўймоқчимиз ҳолос. Биз хушёр- ликнинг сўзга эмас, балки амалда бўлиши тарафдори- миз.

**Шухрат РҶЗИЕВ,**  
*милиция капитани.*

### Сиёсий-ижтимоий ўқиш дарсида

## МАЪНАВИЙ БАРҚАРОРЛИК ЙЎЛИДА

Президентимизнинг халқ депутатлари Сурхондарё вилоят Кенгаши сессиясидаги маърузаси ва 6 апрель куни Оқсарой қароргоҳида миллий мафкура масалаларига бағиш- ланган йиғилишдаги нутқи юртимиз фуқароларида кенг қизиқиш уйғотиб, ўрганилмоқ- да. Андижон вилояти ИИБси- да ҳам юртбошимиз маъруза- ларини ўрганишга доир нав- батдан ташқари сиёсий-ижти- мий ўқиш машғулоти бўлиб ўтди. Машғулотларда сиёсатшунос олим, Андижон Давлат иқтисодиёт ва муҳан- дислик институтининг "Ўзбеки- стонда янги жамият қуриш на- зарияси ва амалиёти" кафедраси доценти Қодиржон Оди- лов иштирок этиб, шахсий тар- киб ўртасида энг аввало тар- тиб-интизомни кучайтириш, туман ва шаҳар ички ишлар бўлимларида ҳам маърифат дарслари ва сиёсий-ижтимоий ўқишнинг самардорлиги- ни ошириш борасида қонун- чилик, ҳуқуқий билим доираси- даги назарий ва амалий ту- шунчаларни ривожлантириш, такомиллаштириш масала- ри юзасидан ўзининг масла- ҳатлари, фикрлари билан ўртоқлашди. Бундан ташқари,

шу институтнинг проректори Абдурашид Тўхтабоев олиб борган машғулотлар ҳам хо- димларимиз дунёқараши ўси- шиди, маънавий баркамоллик йўлида ўзига хос бурилиш яса- моқда.

Юртбошимизнинг фикрича, миллий ғоя миллатимизнинг, халқимизнинг ўзлигини англа- шига, ўзининг миллий қадри- ятларини, урф-одатларини, анъаналарини йўқотмасдан, уларни тиклаб, авайлаб, эъзозлаб, янги ўсиб келаётган авлодга етказиб бериш учун хизмат қилиши керак. Жамия- тимизда фидойи, билимдон, ватанпарвар, соғлом тафаккур- га эга бўлган зиёли одамлар кўп. Эндиги вазифа – уларнинг интилиш ва ташаббусларини бир нуқтага жамлаш, бир мақ- сад сари йўналтириш, шу асосда миллий мафкурамизни ривожлантириш ва халқимиз онгига сингдиришдан иборат.

Маънавий барқарорликка эришимиз учун тўқтинлик қилаётган баъзи кимсалар то- монидан олға сурилаётган ғояга қарши миллий истиқлол мафкураси билан курашиш, уларга тегишли жавоб бера олиш, бугунги кун билан ҳам- нафас бўлиб яшаш ватанпар- вар, фидойи инсон бўлиш ҳар бир милиция ходимининг му- қаддас бурчи эканлигини хо- димларимиз онгига сингдири- шимиз зарур.

**Рустамжон ЖАЛОЛИДДИНОВ,**  
*милиция майори.*

## МАЪНАВИЯТ ДАВР ТАЛАБИ

Санъат инсон маънавий ду- нёсини акс эттирувчи кўзгу десак муболага бўлмайди. Зеро, ҳаётимизни бир дақиқа бўлсин санъатсиз, куй ва қўшқлар- сиз тасаввур этиш қийин. Тош- кент вилояти ИИБ раҳбария- ти ҳам ходимларнинг маданий савиясини ўстириш мақсади- да ҳар ярим ойда маърифат дарсларига таниқли санъаткор- ларни таклиф этмоқдалар. На- вбатдаги маърифат дарсига эл севган хонанда Озода Нурсаи- дова ташриф буюриб, чирой- ли қўшқлари билан ҳаммани хушнуд этди. Таниқли санъат- корларнинг санъат сеҳрлари- дан баҳраманд бўлишлик хо- димларнинг келгуси хизмат ку- нига куч ва илҳом бахш этиши табиий.

Юксак маънавият, ақл-ид- рок, тафаккур соҳиби бўлиш стук инсонга хос камолот бел- гисидир. Шунинг учун ҳам Тошкент вилояти ИИБ раҳба- рияти ходимларнинг маънан баркамол бўлишларига алоҳи- да аҳамият қаратмоқда. Кун- кеча вилоят шаҳар, туман ИИБ бошлиқларининг шахсий таркиб билан ишлаш бўйича ўринбосарлари қадимий ва на- вқирон Самарқанд шаҳрида жойлашган буюк алломалари- миз — ҳадис илмининг султо- ни имом Ал-Бухорий, ўзбек давлатчилигининг асосчиси соҳибқирон Амир Темур ва унинг авлодлари мақбаралари- ни зиёрат қилиб қайтдилар. Улар тарихий обидалар Шер- дор, Шоҳи-Зинда, Бибихо- ним, Оқ мачит мадрасалари- ни, мустақиллик йилларида бунёд этилган иншоотлар, Шарқ тароналари фестивали ўтказилган масканларни ҳам томоша қилдилар. Бой маданий тарихимиз силсилалари улар- да олам-олам таассурот қол- дирди.

**М. СУЛТОНОВА.**

### Навбатчилик қисми

#### БУЮМЛАР ЭГАСИДА

Яккасарой тумани ИИБ навбат- чилик қисмида телефон жиринг- лади. Навбатчи Тўқимачилик ком- бинати шифохонаси яқинида со- дир бўлган жиноят тафсилотини тез-тез ёзиб ола бошлади.

Тезкор гуруҳ воқеа жойига етиб келганда Тадбиркор кўчасида яшовчи К. Я. номаълум шахс пич- оч билан кўрқитиб, тан жароҳати етказгани ва жинси шими, курт- каси, туфлисини олиб қўйганини айтди. Зудлик билан кўрилган чора-тадбирлар натижасида ушбу жиноятни содир этишда гумон

қилиниб, Сироҳиддинов кўчасида истиқомат қилувчи Ж. Х. ушланди. Ундан далилий ашёлар олинди. Бу- юмлар эгасига қайтарилди.

#### "КОБРА" ҚАЕРДА?

Ҳамза тумани ИИБ навбатчилик қисмига тушган хабарда соат 16.00да номаълум шахс Паркент бозори ол- дида турган "Тико" автомашинасидан "Кобра" антирадарини ўмариб кет- гани маълум қилинди.

Милиция ходимлари аввало ушбу қурилма эгаси Р. Ю. билан суҳбат- лашилди. У машина эшигини очиқ қолдириб, ўғирлик қилинишига замин яратиб берганидан афсусда эди. Олиб борилган тергов-суриштирув

ишлари ўз натижасини берди. Юну- собод даҳасида яшовчи В. Г. ушбу жиноятни содир этганликда айбла- ниб, қўлга олинди. Шундай қилиб "Кобра" топилди.

#### ГИЁҲФУРУШ ФОШ ЭТИЛДИ

А. Икромов тумани ИИБ навбат- чилик қисмига тушган хабар бўйи- ча омсклик А. Р. 1 кг 166 г геро- инни Тожикистондан Ўзбекистон ҳудудига контрабанда йўли билан олиб ўтганлиги аниқланди. Тергов жараёнида у шунча микдордаги гиёҳвандлик моддасини сотиш мақсадида келтирилганини бўйнига олди. А. Р. қилмишига яраша жа- воб беришига тўғри келади.

#### ОФАТ ЕНГИЛДИ

Мирзо Улуғбек тумани ИИБ на- вбатчилик қисмига Паркент кўчасида- ги хонадонлардан бирида ёнгин кели- либ чиққани ҳақида хабар тушиши билан кўрсатилган манзилга ўт ўчи- рувчилар гуруҳи жўнатилди. Орадан ҳеч қанча вақт ўтмай ёнгин қўшаб олинди. Ярим соатлар чамаси вақт ичида офат барқарор этилди. Нати- жада қурилишда бўёқчи бўлиб иш- ловчи Х. М. уйининг 5 кв. метр май- дондаги том тахта панжараси ёниб кетди. Ёнгин электр симининг қисқа туташуви оқибатида келиб чиққан, деб тахмин қилинмоқда.

**А. ҲАКИМОВ,**  
*милиция капитани.*

Милиция капитани Хай- риддин Раҳимов хизматдан бўшаб уйига дам олиш учун келганда соат миллари тунги 3.00ни кўрсатар эди. Эрининг хизматдан одатдагидай кеч келишига одатланиб қолган рафиқаси уйқудан уйғониб унга овқат тайёрлашга кириш- ди. Чой дамланиб, бир коса таом дастурхонга қўйилган ҳам эдики, телефон жиринг- лаб қолди. Гўшакни кўтарган рафиқаси эрига яна ташвиш билан боқди. Чунки, уни нав- батчилик қисмидан сўрашаёт- ган эди. Телефонда сўзла- шиб бўлган Хайридин алла- қачон совиб қолган овқатни ва бир пиёла чойни ичди-ю, яна хизматга равона бўлди. У ту- ман ИИБга ҳаммадан илгари келди. Бироздан сўнг бошқа ходимлар ҳам етиб келишди.

Музработ тумани ИИБ бошлиғи вазифасини бажар- увчи, милиция подполковни- ги Эшбой Хўжакулов тезкор ҳолатда бўлим ҳовлисида саф торттишган ходимларга қарата қисқача маълумот бериб ўтди: – Бундан бир неча соат илгари давлатимиз чегараси Афғонистон фуқаролари то- монидан ноқонуний равишда бузилган. Чегарачилар берган маълумотда айтилишича, аф- фгон фуқаролари бир неча ки- шидан иборат. Чегарадаги

изларга қараганда улар мам- лакатимизга яхши ниятда ўтишмаган. Шу боис, олди- мизга куйидаги вазифа қўйи- лади...

Бошлиқ ходимларга бажари- ладиган бир қатор вазифа- лар тўғрисида қисқача йўриқ- нома бергач, ҳар ким ўз йўна- лиши бўйича вазифани адо этишга киришди.

Туман ИИБ бошлиғининг хиз- мат бўйича ўрин- босари, милиция капитани Хай- риддин Раҳимов бошчилигидаги олти нафар хо- дим – милиция катта лейтенанти Фарҳод Бобоев, милиция капитанлари Мен- гли Ҳожиев, Каромат Холмуро- дов, милиция катта лейтенант- лари Чўтпўлат Хўжаёров, Шухрат Норқобилов ва ички хизмат капитани Исмоил Му- ҳаммедовлар Кўнғирот жамоа хўжалиги томон йўл олишди.

Бу жамоа хўжалиги туман- нинг чегарага яқин жойлашган ҳудудларидан бири ҳисобла- нади. Саккизинчи бўлимга етиб келган гуруҳ аъзолари машинани тўхтатиб, яна бир бор ўз бошлиқлари кўрсатма- ларига қулқ тутишди. Ҳар бир ходимга алоҳида-алоҳида

йўриқнома бериб бўлингач, кишлоқ ичига кирилди. Ходим- лар текшириш ишларини бошлаб юборишди. Орадан бир соатча вақт ўтса-да, би- рор натижа йўқ эди. Соат тах- минан эрталабки ўнларга яқин кишлоқнинг тупроқ кўча- сида тентираб, бежо қадам ташлаб келаётган бир шахс

хуш бўлиб, гўё ҳозиргина ги- ёҳвандлик моддасини истеъмол қилиб олган кўринарди. Хайридин ундан бу модда- ларни қаердан ва кимдан ол- данилигини сўради. Одатда ги- ёҳвандлик моддаси истеъмол қилган кишилар ўша дақиқа- ларда кўпинча тўғри гапири- шади. Жумакул худди шундай йўл тутди. Бу модда- ларни афгон фуқароларидан олганли- ги ва озроғини ҳозиргина истеъмол қилганлигини айт- ди. Шундан сўнг капитан уни уйи томон бошлади. Жумакул уйи олди- га етиб келгач, тўхтади. Афғонлар

унинг уйдаги сўри тагида бекиниб дам олишаётгани, улар етти киши эканлигини айтди. Бу хабардан кейин гуруҳ бошлиғи барча ходим- ларни тўплаб афгон фуқаро- лари беркиниб ётган сўри ат- рофини ўраб олишди. Ҳамма- дан илгари уй ичига кирган Хайридин ҳеч ҳайқимасдан сўри остидаги оғуфурларга таслим бўлишлари, акс ҳолда қурол ишлатишларини айтиб, огоҳлантирди. Ичари- да ғала-ғовур бошланди. Би- роздан сўнг капитан бояғи талабни яна қайтарди. Бирин-

кетин сўри остида бўлган аф- фгон фуқаролари чиқиб кела бошлашди. Мана биринчиси, иккинчиси ва учинчиси чиқиб бўлди. Тўртинчиси чиқаётган- да улардан бири қаршилик қилиб қочиб қаратилди. Яна бири ёнидан тўппонча ол- моқчи эди, аммо ички ишлар ходимлари чаққонлик билан бир зумда уларнинг қўлига кишан кийдиришди. Шундай қилиб, етти нафар афғон фуқароси беталафот қўлга олин- ди. Хайридин бу ҳақда рация билан ички ишлар бўлимига хабар қилди.

Афғонлар билан ўтказилган суҳбатдан сўнг, улар ўзлари билан олиб ўтишган ажал уруғи гиёҳвандлик воситалари кўмилган маконни кўрсатади- ган бўлишди. Шу хўжалик ҳуду- дига кираверишда шудгор қилинган дала чеккасида якка ўсувчи жингил тагида кўмиб қўйилган юз килога яқин тур- ли хил гиёҳвандлик моддаси, икки дона АКМ автомати 147 та ўқи билан, бир дона грана- та олинди. Шу орада вилоят ва тумандан етиб келган ёрдам- чи кучлар иштирокда қўлга олинган фуқаролар ва ашёвий далилларни Термизга олиб ке- тишди.

**С. АБДУВОҲИДОВ,**  
*ички хизмат капитани.*

# ХОМҲАЁЛ БЕГОНАЛАР

# ҚОНУН УСТУВОРЛИГИНИ ТАЪМИНЛАШ ЙЎЛИДА

Одатдагидек автобус бекати одамлар билан гавжум. Баланд бўйли, қотмадан келган йигит дўстига ҳайдовчилик гувоҳномасини олиб қўйган ДАН ходимини ноҳақликда айблаб, куюниб гапирарди. Шунда уларни суҳбатларига қулоқ тутиб турган отахон:

— Йўл-ҳаракати қондасини бузмаган бўлсангиз милиция ходими сабабсиз танбеҳ бермайди, ўғлим, кўп куюнманг, — дея милиция ходимларининг кечаю-кундуз хизматлари боис бежавотир яшаётганлигини билдириб, гапни якунлади.

Фуқаролар ўртасида бундай суҳбатлар тез-тез такрорланиб туриши табиий ҳолдир. Хўш, бугунги кунда милиция ходимлари хизматидан ҳамма ҳам мамнунми, деган ҳақли савол тугилади. Милиция ходимлари орасида мард, виждонли, диёнатли, фидойи, ўзини эл-юрт тинчлиги ва осойишталигини сақлашга бағишлаган посбонлар кўпчиликини

ташқил этади. Бироқ, гуруҳ курмасиз бўлмагани сингари ҳуқуқни муҳофаз қилиш идоралари ходимлари орасида ҳам қонунбузарлик ҳолатлари такрорланиб туришидан кўз юмиб бўлмайди. Президентимиз И. Каримов ҳам халқ депутатлари Сурхондарё вилояти Кенгаши сессиясида ҳуқуқни муҳофаз қилиш идоралари фаолиятида фуқароларни ноқонуний жавобгарликка тортиш ёки жазодан озод қилиш, тергов жараёнларини асоссиз равишда чўзиш каби салбий ҳолатлар ҳамон учраб турганлигини афсус билан таъкидладилар.

Республикаимиз Президентининг танқидий мулоҳазаларидан ва ушбу соҳа ишини яхшилаш борасида қўйилган талаблардан келиб чиқиб Тошкент вилояти ИИБ раҳбарияти ҳам вилоят ички ишлар идоралари тизимларида хизмат қилаётган ходимлар орасида қонунчилик ва хизмат интизомини мустаҳкамлаш,

улар томонидан содир этилиши мумкин бўлган айри-қонуний ҳатти-ҳаракатларнинг олдини олишга катта эътибор бермоқда. Бошқарма бошлиғи, милиция полковниги Ш. Расулов иштирокида вилоятнинг шаҳар ва туманларида бўлиб ўтаётган учрашувларда ўз хизмат вазифасига совуққонлик билан қараган ходимларнинг хатти-ҳаракатлари атрофлича муҳокама қилиняпти. Масалан, Куйичирчиқ туманидаги Охунбобоев номли жамоа ҳўжалигида бўлиб ўтган йиғилишда вилоят ДАН ходимлари томонидан йўл қўйилаётган қонунбузарлик ва хизмат интизоми бузилиш ҳоллари кенг муҳокама қилинди. Ўз хизмат вазифасига виждонан ёндошмаган айрим ходимлар ишдан четлатилди, бир нечтаси эса интизомий жазоланди.

Бошқарма раҳбарияти вилоят прокуратураси билан келишган ҳолда, ходимлар орасида хизмат интизоми,

қонунчиликини мустаҳкамлаш, ходимларнинг маънавий онгини юксалтиришга, билимларини оширишга қаратилган, ҳамда улар томонидан содир этилиши мумкин бўлган салбий ҳаракатларнинг олдини олиш бўйича махсус тадбирлар режаси ишлаб чиқилиб, қўйи тизимларга ижросини таъминлаш учун юборилди. Белгиланган режа асосида ўтказилаётган учрашувларда жазо муддатини ўтаётган собиқ вилоят ички ишлар ходимлари ҳаётидан ҳамда хизмат даврида ноҳўя хатти-ҳаракатлар содир этган ходимлар хизматидан видеолавҳалар кўрсатиш хизмат кўрсаткичлари паст, меҳнат интизоми қоңдаларига қатъий риоя қилмайдиган, хизмат вазифасини бажаришга лоқайдлик, бепарволик, хотиржамлик билан ёндошадиган ходимларнинг ота-оналари иштирокида суҳбатлар уюштириш, шунингдек, прокуратура, суд ходимлари билан учрашувлар ташкиллаштириш ва махсус маърифат дарсларини ўтказиш режалаштирилган.

**М. СУЛТОНОВА,**  
Тошкент вилояти  
ИИБ инспектори.

### Маънавий

## “К” ҲАРФИ НЕГА КЕРАК БЎЛДИ?

Ҳар гал ҳам терговчи ўзи муваффақият билан жиноятни фош этганидан хурсанд бўлавермайди. Мана, яқинда бир ишни тугатдим. Қисқача тафсилоти шундайки, икки 15 ёшли синфдош ўзаро тил бириктириб пойтахтимиздаги Биродарлик кабристонидан бронза Ҳарфлар билан ёзилган Минск сўзидаги “К” Ҳарфини кўчириб олишди. Мақсад уни пуллаш. Масъул идоранинг берган маълумотмасига кўра Ҳарфнинг қиймати ўрнатиш харажатлари билан бирга 15 минг сўм атрофида. Кошқийди, гап фақат етказилган моддий зарарда бўлса. Гарчанд, ҳозирги пайтда рангли металлларни талон-торож қилишнинг олдини олиш долзарб масалалигини ҳам унутмаслик керак.

Тергов пайти болалардан бирининг берган кўрсатмаси мени қаттиқ ўйлантирди. У Ҳарфини ўғирлашга қоронгу тушганда бо-райлик деса, шериги ҳозир ҳеч кимнинг ҳеч ким билан иши йўқ, юравер деган. Демак, кўпчиликнинг атрофда бўладиган турли ҳуқуқбузарликларга беэътиборлигини ҳатто болалар ҳам пайқашибди. Балки, катталарнинг бепарволигини, совуққонлигини айнан болалар тез пайқашса керак.

Ҳақиқатан ҳам, куппа-кундуз кунни болта билан Ҳарф кўчираётган болаларга ўтган-кетганлардан ҳеч ним халақит бермаган. Бир аёл номига “Бас қилинглр” деган, холос. Фақат милиция ходимлари етиб келишганидагина болалар қочиб тушишган.

Мақтаб маъмуриятининг берган тавсифномасига қараганда, Ҳар икки бола ҳам тартиб-интизомли бўлган. Ўқишлари ҳам инқадар. Наҳотки, муаллимлар ўқувчиларнинг фақат ўзлаштиришига тартиб-интизомига жавоб берса. Ташқаридан қараганда мўмин-қобил туюлган боланинг ичида нималар кеаётгани билан кизиқиб, уларнинг қалбига гўзаллик тўйғусини, Ватан, хотира каби қатор муқаддас қадриятларга ҳурматни сингдириш уларнинг вазифаси эмасми?

Ота-онанинг масъулияти-чи? Болалардан бирининг ота-онаси ҳеч қаерда ишламайди. Нега? Бир кекса аёлни биламан. Ҳар кунни эрталаб ишга кетаётганида кизи билан кўча супураётган бўлади. Наҳотки, уларнинг аёлчалик куч-қуввати, укуви бўлмас?

Иккинчи боланинг отаси ҳам, онаси ҳам туппа-тузук жойларда ишлашар экан. Ёки иш билан бўлиб фарзанд тарбиясини унутиб қўйишдими? Аслида, тиришиб-тирмашишимиздан, елиб-югуришимиздан мақсад бир томондан ўзигимизни юзага чиқариш бўлса, иккинчи томондан болаларимизни ҳам маънавий, ҳам жисмоний баркамол қилиб тарбиялаш эмасми? Наҳотки, айрим ота-оналар боламнинг қорнини тўйғазиб, эгнини бут қилсам бўлди, ақлини ўзи топиб олади деб ўйлашса? Хато қилишди.

Тергов ишини тугаллагач, аввалига туман халқ таълими бўлимига, болаларнинг мактабига юқоридаги мулоҳазаларимни ёзиб юбормоқчи бўлдим. Кейин, балки бу муаммо кўпчилик таълим муассасаларига, ота-оналарга тааллуқлидир деган ўйга бордим.

Қадим Спарта давлатида ёш авлоднинг жисмоний соғломлигига алоҳида эътибор беришар, нимжон туғилган чақалоқларни жарга улоқтиришаркан. Тарбияда ҳам улар қиличбозлик, чавандозлик, найзбозлик каби Ҳарбий санъатларни биринчи ўринга қўйишаркан. Қарабсизки, улардан буюк саркардалар, пахлавонлар етишиб чиқибди-ю, лекин жаҳонга машхур доғишманлар, шоирлар вояга етмабди. Чунки, уларнинг кўпчилиги жарга улоқтирилган, қолганларнинг истеъдоди эса тарбия жараёнида юзага чиқарилмаган экан. Бизнинг вазифамиз Ҳар томонлама баркамол инсонни тарбиялашдир. Балки, маънавий соғломлик биринчи галда керакдир. Буни ҳеч биримиз эсдан чиқармайлик.

**Феруза ҚОДИРОВА,**  
милиция капитани.

## АЙТСАМ ТИЛИМ КУЯДИ

Абдузоҳиднинг болалиги қандай ўтганини билмайман, бироқ йигитлик даврида кўпроқ номаъқул ишлар билан шуғулланишни хўш кўрарди. Негадир тартиб-қондан ёқтирмас, тартиб-қонда унга бўйсунини истарди. Ана шундай қабиатли йигит ИИБ Академиясига ўқишга кирди. Турган гап, у ерда кўп ўқий олмади. Ҳуқуқ-тартибот ҳимоячиларини тайёрлайдиган олий билим юртида тартиббузарнинг бўлиши мумкин эмас, албатта. Унинг айрим ҳурмача қилиқлари учун ўқишдан ҳайлашади.

Абдузоҳид тинчгина, касбини давом эттириб юрса бўларди. Дарвоқе, у яхшигина дурадгор бўлиб, ясаган эшик, ромлари бозорнинг олди моллари қаторида баҳоланарди. Бироқ, тер тўкиб меҳнат қилишга бўйни ёр бермай қинғирлик кўчасига киради. Аввалига қўни-қўшнисидан уялдим, узоқ жойда ишлаяпман деб, қорасини кўрсатмай юрди. Аслида эса у ўғрилиқ билан шуғуллана бошлади. Бу ишининг ҳидини сезган ота-онаси, яқин дўстлари унга насиҳат қилиб, йўлдан қайтаришга уриндилар, бироқ, барча ҳаракатлар зое кетди. Айтганидан қолмади, тўғри йўлга келмади. Бир кун йўғрилиқ билан қўлга тушиб, уч йилга қамалди. Кўпчилик, шулар қаторида мен ҳам тавбасига таянган бўлса керак деб ўйлагандик. Лекин, у аввалига тузуккина ишга жойлашди, бола-

чақасини ўйлаб, топганини уйга келтирарди. Ичкиликка ружу қўйди-ю, яна айниди.

Охири марта у босқинчилик жиноятини содир этди. Кечки пайт Бахт шаҳрида кўчада кетаётган аёлни пичоқ билан қўрқитиб, тилла тақинчоқлари ва пулини олиб қўяди. Оралаан уч кун ўтиб Гулистон шаҳридаги “Олмос” заргарлик дўконига киради ва сотувчини қўрқитиб, томоғига пичоқ тираб 450 минг сўмлик товарни олиб кетади.

Уни қидириб топиш ва ушлаш менга топширилди. Суриштириб билсам Янгиерга қочиб кетган экан. Қидириб топдим. Албатта, у индамай таслим бўлмади. Олишувда энгиб чиққанним учунми ёки қилган ишиданми, кўзимга қаролмай, юзини олиб қочди. Суд уни 12 йилга қамоқ жазосига ҳукм қилди.

Бу ҳақда ёзмоқчи эмасдим. Бир неча бор қўлимга қалам, қоғоз олиб яна фикримдан қайтдим. Лекин, Абдузоҳид Мирзаев ўзимнинг бирга ўқиган дўстим бўлгани учун ҳам ёздим. Чунки, ҳозир алашиб, уч-тўрт кунлик кайф-сафо учун ҳалол меҳнатдан қочиб, ўғрилиқ, талончилик ва бошқа жиноий ишларга қўл ураётган, бу муҳҳиш кўчага кирмоқчи бўлганларга сабоқ бўлсин. Ҳар қандай қинғирликнинг охири войдир.

**Донёр АБДУНАБИЕВ,**  
милиция катта лейтенанти.

## ДОНИЁРНИ КЎРГАНЛАР БОРМИ?



Наманган вилояти Уйчи тумани ИИБ томонидан вояга етмаган Дониёр Ёқуббоев қидирилмоқда. У 1987 йилда туғилган, миллати ўзбек, Қизилравот қишлоғи, Олмазор кўчаси, 7-уйда яшаган. 1999 йил 28 июнь кунни соат 15.30 атрофида кўчага чиқиб кетиб, қайтиб келмаган.

**Белгилари:** бўйи 135–140 см, кўзи ва сочи қора, қоши ёйсимон, гавдаси ўртача.

**Алоҳида белгиси:** қорнининг чап томонида кўричак жарроҳлигидан қолган чандиқ бор.

**Кийимлари:** эғнида оқ футболка, зангори труси, оёғида резина шиппак бўлган.

**Дониёр Ёқуббоевни кўрган ёки у ҳақда бирор маълумотга эга бўлганлар яқин ўртадаги милиция бўлинимасига хабар беришларини сўраймиз.**

### Миннатдорчилик

## ХИЗМАТИ

## ТАҲСИНГА ЛОЙИҚ

Пойтахтимиздаги “Юнусобод” бозори яқинида ўз хизмат бурчини адо этаётган Тошкент шаҳар ЙПХБ инспектори, милиция старшинаси Рихсибой Иброҳимов кўп йиллардан бери баракали меҳнат қилиб келаяпти. У ўз номини ҳалол топиб еяётган инсон сифатида кўпчилик ўртасида обрў қозонмоқда. Рихсибой Иброҳимов ўзига топширилган энг оғир участкани бир ўзи юксак ирода, фидойилик билан эглаб, нохуш ҳодисаларнинг олдини олишга эришмоқда. Шундай посбонларимиз доимо омон бўлишсин!

**М. ОБИДОВ,**  
Юнусобод тумани фаоли.

## ЭЛ ДУОСИ ОЛИЙ МУКОФОТДИР

Тўртқўл туман ИИБ бошлиғи, милиция майори Икром Сержанов йўқлаётганини эшитиб, ҳузурига борганимда хонасида тўрт-беш қария ўтиришган экан.

— Мана сиз сўраётган одам ҳам келди, — деб бошлиқ мени уларга таништирди.

— Биз ўз миннатдорчилигимизни бошлиққа билдирдик. Газета орқали ҳам билдириш ниятимиз бор эди. Чунки, овулимизда жиноятчиликнинг олдини олишда, содир этилган жиноятларни ўз вақтида очишда участка вакили, милиция капитани Неймат Ражаповнинг ҳиссаси катта бўлмоқда, — деди Ёқуб Эломов номли ширкат ҳўжалигининг маҳалла раиси Машарип Аржанов.

— Яқинда менинг тўққизта молимни ўғирлаб кетишган эди, — деб гапни давом эттирди иккинчи гуруҳ ногирони Гечкелди Аққабоев. — Участка вакили билан машинада қидир-қидир қилиб икки кунда 970 қақирим йўл юрибмиз. Тўғриси, милиция ҳақида фикрим бошқача эди. Энди эса тамоман ўзгарди. Ҳақиқатан ҳам милиция халқининг ишонган ва суянган суяниғи экан. Ўғирлар тутилиб, моллар топилганида ёш боладай йиғлаб юбордим. Чунки, улардан умидимни узган эдим. Участка вакилининг машаққатли меҳнати туфайли кўрамиз хувиллаб қолмади. Оиламиз номидан Нейматжонга раҳмат айтаман. Олтин боши омон бўлсин.

— Маҳалламиздан бир кечада тўққизта молнинг исизис ғойиб бўлиши ҳаммамизни қайғуга солганди, — деб аста гап бошлади уруш ва меҳ-

нат фахрийси Аллаберган Матякубов. — Чунки, бугун кўшнингни қақшатган ўғри, эртага сени ҳам доғда қолдириши тайин. Жиноятнинг очилмай қолиши эса жиноятчиларни руҳлантирса, одамлар ташвишини кучайтиради. Участка вакили Неймат Ражаповнинг бир ўзи из қувиб, ўғирларни тутди. Унинг қишлоқда ҳурмати баланд. Чунки, у элнинг тўйи, маъракасига қатнашади. Ундан беҳад миннатдоримиз. Умридан берака топсин.

Уларнинг суҳбатини тинглар эканман, ич-ичимдан қувондим. Чунки, одатда ички ишлар бўлимига одамлар кўпинча шикоят билан келишади. Бугун эса манзара тамоман бошқача. Милиция формасига ҳаликсираб қарайдиган оддий заҳматкаш инсонлар юзида севинч табассуми.

Уларнинг оромини бузган, илгари судланиб тавбасига таянмаган Маъмур Мирзаев бошчилигидаги жиноий гуруҳ қилмишига яраша жазосини олди. Кўнгиллар бироз хотиржам бўлди. Энг муҳими, ана шу хотиржамликка эришиш учун милиционернинг қанчалик вақти, меҳнати кетганлиги уларнинг ўзлари гувоҳ бўлишди. Лоқайдлик — молларни ўз ҳолига ташлаб қўйиш, атрофдаги воқеа-ҳодисаларга бефарқ қараш ёмон иллат эканлигига яна бир бор ишонч ҳосил қилишди.

Қариялар қайтар чоғида ҳам яна бир бор участка вакили, милиция капитани Неймат Ражаповни узоқ дуо қилишди.

Эл дуоси олий мукофотдир.

**Д. ХУДОЙШУКУРОВ.**

# «МАХАЛЛА ПОСБОНИ» — ПОСБОНИМИЗ

Қарор ва ижро

“Маҳалла посбони” жамоатчилик тузилмаларининг ташкил этилганига ҳам бир йил тўлди. Бу ҳақда ҳукуматимиз 1999 йилнинг 19 апрелида қарор қабул қилган эди.

Бу тузилма ташкил этилишига сабаб, фуқароларнинг фаоллигини ошириш йўли билан ҳуқуқий демократик давлат қуриш жараёнини жадаллаштириш, ҳуқуқ-тартиботни мустақамлашда давлат идоралари билан фуқароларнинг ўзини-ўзи бошқариш органларининг ҳамкорлигида иш олиб боришни таъминлаш ва аҳолининг ўзаро ҳамжиҳатлигини оширишдан иборатдир.

Ушбу қарор асосида Иско-

гаре қишлоқ фуқаролар йиғинида ҳам, кенг кўламда бир қанча ишлар амалга оширилмоқда. Фуқаролар йиғини ҳудудида истиқомат қилаётган Ватан ва халқ манфаатлари йўлида садоқат билан бегараз хизмат қилишга тайёр, жисмоний ва маънавий соғлом, пок иймон ва эътиқодли, юксак инсоний ва ахлоқий фазилатларга эга бўлган, жиноятчиликни олдини олиш ва жамоат тартибини сақлашда ҳуқуқ-

тартибот органларига кўнгилли равишда ёрдам бериш истагини билдирган ёш йигитлардан 12 нафари қабул қилинди.

Натижада мана, уч ойдири Искогаре қишлоғида бирорта жиноят ёки тартибузарлик ҳолатлари содир этилмади. Бунга посбонларнинг туну кун олиб борган меҳнати эвазига эришиляпти.

Тузилган режа асосида посбонлар тунги рейдларда қатнашиб, “ўзингни, ўз уйингни ўзинг асра” шиори остида кенг тармоқли ишларда иштирок этмоқда. Маҳаллаларда осейиш-

талиқни таъминлаш, фуқаролар мол-мулкни қўриқлаш, тўй-маъракаларда тартиб сақлаш, билим масканларида тушунтириш ишларини олиб бориш, паспорт режимига риоя этилиши, ёнғин ва ҳаракат хавфсизлигини таъминлашда ҳуқуқни муҳофаза қилувчи идораларга энг яқин ёрдамчи сифатида сидқидилдан фаолият кўрсатиб келмоқда.

Йиғин ҳудуди еттига маҳалладан иборат, аҳоли сони эса етти ярим мингдан зиёд. Улар фуқароларнинг тинчлигига ўзларини масъул деб биладилар. Жонбозлик ва иштиёқ би-

лан элим деб, юртим деб, ўз хизматини аямаётган посбон йигитларимиздан Уктам Жўраев, Жобир Раҳматов, Тўлқин Иззатовларнинг бегараз хизматидан маҳаллалар аҳли жуда ҳам миннатдордирлар.

“Маҳалла посбони” тизимини ташкил этишда Шофиркон туман ҳокими ўринбосари Р. Шоева, туман ички ишлар бўлими бошлиғи милиция майори Х. Чориев, участка нозирини М. Мустақимов, Искогаре қишлоқ фуқаролар йиғини раиси К. Наврўзовлар ўз тажрибалари, маслаҳатлари ва фикр-мулоҳазала-

ри билан жуда катта ёрдам бердилар.

...Кечқурунлари “Ҳайдаробод” жамоа ҳўжалигидаги қайси маҳаллада бўлманг посбон йигитларимизга дуч келасиз. Посбон йигитларимизнинг кўпчилиги келгусида ички ишлар органларида ишлаш орзусидадир. Халқи хизматида бўлган, унинг дарди билан яшаган инсон барча ишга қодирдир ва барча эзгу ниятига эришади.

**Ғайратжон АСАДОВ,**  
“Маҳалла посбони”  
тузилмаси раҳбари.  
Шофиркон тумани.

## КАТТА ТААССУРОТ ҚОЛДИРДИ

Хоразм вилоят ИИБ раҳбарияти навбатдаги маърифат дарсини Огаҳий номли вилоят муסיқали драма театрида ўтказди.

Вилоят ички ишлар бошқармаси шахсий таркиби ҳамда Урганч шаҳар ИИБ ходимлари иштирок этган машғулота вилоят ИИБ бошлиғи, милиция полковниги Т. Худойбергенов маърифат ва маънавият масалаларига оид маъруза қилди. Нотиқ Ватанни севиш, унинг тупрогини муқаддас билиш, шу азиз юрт билан фахрланиш ҳар бир ўзбек фарзандининг инсонийлик бурчи эканлигини уқтириб ўтди. Ички ишлар идоралари ходимларининг ватанга садоқат билан хизмат қилишига, бетакрор саркардалик қобилиятларига эга бўлган ота-боболаримизга муносиб ворис бўлишларига ишонч билдирди.

Шундан сўнг жиноятчилар-



га қарши курашдаги мардлиги ҳамда қаҳрамонлиги учун “Жасорат” медалига сазовор бўлган милиция ходимларига қимматбахо совғалар топширилди. Халқ осейишталлигини таъминлашдаги ҳалол хизматлари учун бир қатор ички ишлар идоралари ходимларига навбатдаги унвонлар ҳамда Фахрий ёрликлар берилди.

Тадбир сўнгида театр санъаткорлари ижросида драматург Незъмат Солаев қаламига мансуб бўлган “Тўмарис” драмаси намойиш этилди. Асирга тушган фарзандини юрт тақдири билан алмаштирмаган матонатли, жасур Она образи томошабинларда катта таассурот қолдирди.

ҳамда гаровдагиларни қутқариш бўйича амалий машғулот бўлиб ўтди. Вилоят ИИБнинг бўлини маси ҳамда қўлга олиш гуруҳи ходимлари террорчилар гаровга олган йўловчи автобусининг олди тўсилиб, гаровдагиларни озод этиш, жангарилар эгаллаб олган бинога ҳужум уюштириб, уларни қўлга олиш, Қорақум барханлари орасига яшириниб олган жиноятчиларни қуршаб олиб, йўқ қилиш ҳамда ташландиқ бинога жойлашиб олган қуролланган жиноятчиларни кинологлар ёрдамида қўлга олиш каби топшириқларни ниҳоятда ҳушёрлик, чаққонлик ҳамда юксак маҳорат билан бажаришди.

Амалий машғулота вилоят прокуратураси, миллий хавфсизлик хизмати, мудоффа бўлими раҳбарлари қузатувчи сифатида иштирок этишди.

Тадбирда Ўзбекистон Республикаси Ички ишлар вазирининг биринчи ўринбосари, милиция генерал-лейтенанти Б. Матлюбов иштирок этди.

Кенг қамровли “Тозалаш” тадбири вилоятнинг бошқа туманларида ҳам ўтказилмоқда.

**Х. ЖАБОРОВ.**

Суратларда: кенг қамровли “Тозалаш” тадбиридан лавҳалар.

**Жумабой ҚОЗОҚ**  
олган суратлар.



## “ТОЗАЛАШ” ДАВОМ ЭТМОҚДА

Яқинда Хоразм вилоят ИИБ раҳбарияти ташаббуси билан Хазорасп тумани ҳудудида кенг қамровли “Тозалаш” тадбири ўтказилди. Тадбир бошланиши олдида туман ҳокимлигида ички ишлар идоралари ходимлари ҳамда жамоатчилик вакиллари иштирокида йиғилиш бўлди. Вилоят ИИБ бошлиғи, милиция полковниги Т. Худойбергенов сўзга чиқиб Хоразм воҳаси ва бутун Ўзбекистоннинг муқаддас тупрогини кўзимизга суртишимиз, уни авайлаб-асрашимиз, қолаверса, она-юртимиз билан фахрланмоғимиз лозимлигини таъкидлади. Афсуски, бу ҳудудда яшаётган баъзи ёшларда Ватанга муҳаббат ҳисси, эртанги кунга умид билан қараш сусайиб бормоқда. Аччиқ бўлса-да айтиш керакки, бундай оғир кунда жамоатчиликнинг ёрдами сира сезилмаёттир, дея фикр билдирди.

Туман ҳудудида “Тозалаш” тадбирини уюшқоқлик билан ўтказиш мақсадида кенг жамоатчилик билан ҳам-



Мустақиллигимизнинг биринчи кунидан бошлаб ўсиб келаётган ёш авлодининг тарбиясига уларнинг ҳуқуқий билим савияларини ошириш, ҳар томонлама баркамол инсон бўлиб етиштишларига давлатимиз раҳбарияти томонидан жуда катта эътибор берилди. Ҳаммамизга маълум, Президентимиз томонидан 2000 йил Соғлом авлод йили деб эълон қилинди. Бу бежиз эмас, албатта.

Чунки, мамлакатимиз ҳамдўстлик давлатлари ичида аҳолисининг таркиби жиҳатидан энг ёш давлатлардан бири ҳисобланади. Мамлакатимиз аҳолисининг 50 фоизга яқинини (10 млн. ортигини) вояга етмаганлар ва ёшлар ташкил этади.

Шу боис жорий йилнинг 15 февралда Ўзбекистон Республикаси Вазирлар Маҳкамасининг 2000 йилга мўлжалланган “Соғлом авлод учун” Давлат дастури ишлаб чиқилиб, республика ички ишлар идоралари зиммасига “Ёшлар XXI асрга наркотик моддаларсиз” нодавлат жамғармаси ташкил этилишининг, унда вояга етмаганлар ўртасида ҳуқуқбузарликларнинг олдини олиш ишларини кучайтириш чораларини ишлаб чиқиш ва амалга ошириш вазифаси юкланди. “Соғлом авлод учун” Давлат дастурига бажариш бўйича Ўзбекистон Республикаси Ички ишлар вазирлигининг ҳам асосий тадбирлар режаси тузилди.

Шунга мувофиқ 17 март кунини эса республика ёшларининг “Камолот” жамғармасида “Ёшлар муҳитида гиёҳвандликнинг олдини олишнинг долзарб муаммолари; ҳолат ва истиқбол” мавзусидаги давра суҳбати бўлди.

Шунингдек, Тошкент давлат юридик институтининг Ҳуқуқий маърифат маркази ва “Экосан” жамғармаси билан жорий йилда соғлом авлодни тарбиялашга қаратилган тадбирлар режасини ҳам корликда ишлаб чиқиш ва амалга ошириш келишиб олинди.

Гиёҳвандлик билан боғлиқ бўлган жиноятларнинг олдини олиш ва унга қарши фаол кураш олиб бориш масалалари Ички ишлар вазирлигининг Ҳайъат йиғилишларида, Қорақалпоғистон ИИБ, Тошкент шаҳар, вилоятлар ва Нақлиёт ИИБларининг тезкор кенгашиларида, тегишли идора ва ташкилотларнинг мувофиқлаштирувчи мажлислари-

# КУРАШ ЯНАДА КУЧАЙДИ

да бир неча бор қўриб чиқилди. Жумладан, Самарқанд шаҳрида Ўзбекистон ИИБ ташаббуси билан мутасадди давлат идоралари ва жамоатчилик билрашмалари иштирокида милиция участка вакиллари ва вояга етмаганлар билан ишлаш хизмати нозирлари билан ёшлар ўртасида гиёҳвандликнинг олдини олиш ҳамда курашни кучайтиришга бағишланган минтақавий семинар мажлислари бўлиб ўтди.

Ички ишлар идоралари ходимлари соғлиқни сақлаш муассасалари ходимларига инсон руҳиятига таъсир қилувчи воситаларни истеъмол қилишга ружу қўйган ёшларни стационарларга ётқизишда ҳамкорлик қилдилар. Шу билан бирга ўрта умумтаълим мактаблари, коллежлар, лицейлар ва ҳунар билим, ўрта махсус ва олий ўқув юртларида гиёҳвандликка қарши кураш мавзусида маърузалар кўпайди. Ички ишлар вазирлиги аппарати ходимлари наркотик моддалар билан муомала қиладиган шахсларни аниқлаш, ушлаш ва чора кўришда амалий ва услубий ёрдам кўрсатиш учун Қорақалпоғистон республикаси ИИБ, Тошкент, Самарқанд,

Жиззах, Фарғона, Андижон, Наманган, Сурхондарё, Бухоро, Навоий, Хоразм вилоятлари ички ишлар бошқармаларида хизмат сафарларида бўлдилар. Ўтган даврда ички ишлар идоралари ходимлари томонидан гиёҳвандликнинг олдини олишга қаратилган суҳбатлар, маърузалар ўтказилди, наркотик ва психотропик моддаларни истеъмол қилиш бўйича ҳисобда турган шахслар билан яқка тартибда суҳбатлар ўтказилиб, огоҳлантирув ишлари олиб борилди.

Юқоридаги масалалар юзасидан Республика прокуратураси, Соғлиқни сақлаш, Олий ва ўрта махсус ҳамда Халқ таълими вазирликлари ва Республика ёшларининг “Камолот” жамғармасига ахборотлар юборилиб турилди. Республиканинг барча минта-

қаларида доимий “Тўсиқ”, “Тозалаш”, “Тун”, “Кўча”, “Ўсмир” номли тадбирлар амалга оширилди.

Ёшлар ўртасида гиёҳвандлик моддалари тарқалишининг олдини олишда оммавий ахборот воситалари фаолиятдан кенг фойдаланилди.

Масалан, Республика телевидениесида доимий “ИИБ ахборот маркази хабар қиладди”, “02 тўлқинида”, “Ўсмир ва қонун” каби кўрсатувларда гиёҳвандлик моддаларига қарши кураш олиб бориш масалалари ёритилиб борилди. “Постда”, “На посту” газеталарида ва вилоятларда чиқариладиган газеталар саҳифаларида мана шу мавзуда мунтазам мақолалар бериб борилди. Ҳаммаси бўлиб ушбу бундай мақола сони 250 дан ошди, шунингдек, 180 марта радио эшиттиришлари ва 30 марта телевидениеда кўрсатувлар тайёрланди.

Соғлом авлод йилида гиёҳвандлик воситалари ва наркотик моддаларга қарши курашни янада кучайтирмоқдамиз.

**И. ТОЛБОБОВЕВ,**

Республика ИИБ  
ЖОБ катта инспектори,  
милиция подполковниги.


## ҚИДИРИЛМОҚДА

Сирдарё туман ИИБ томонидан куйидаги шахслар жиноят содир этиб тергов идораларидан қочиб юрганлиги учун қидирилмоқда.



**Ўктамжон Ражабов,**  
1954 йилда туғилган, миллати тожик, илгари судланган, Сирдарё шаҳар Бобур кўчаси, 18-уйда яшаган.

**Собит Султонов,**  
1960 йилда туғилган, миллати тожик, илгари судланмаган, Сирдарё шаҳар, Гулистон кўчаси, 216-уйда яшаган.



Улар туғилган ака-ука.

Ака-ука Ўктамжон ва Собитларни кўрган ёки қаердалигини билганлардан яқин орадаги милиция бўлимига хабар беришларини сўраймиз.

DUSHANBA 1

6.00 "Ассалом, Ўзбекистон!" 8.00-8.40 "Тахлилнома" 8.40 Лирик тароналар...

DUSHANBA 2

6.00 "Ассалом, Ўзбекистон!" 8.00-8.35 "Ахборот" 8.35 Марказий газеталар шарҳи...

ЎзТВ-IV 18.10 "Бугун оламда" Ахборот курсатуви...

ЎзТВ-IV 18.10 "Бугун оламда" Ахборот курсатуви...

7.00 Мультифильм 7.20 "Дежа вю" Авантюристик комедия...

7.00 Мультифильм 7.20 "Дежа вю" Авантюристик комедия...

Олег Янковский "Ревизор" комедиясында 17.30 "Футбол клуби"...

Олег Янковский "Ревизор" комедиясында 17.30 "Футбол клуби"...

Мультифильмлар дастури 7.30 Киноконцерт 7.55 "Актёр уйи"...

Мультифильмлар дастури 7.30 Киноконцерт 7.55 "Актёр уйи"...

ТВ МАРКАЗ 9.00 "Дата" байрам сони 10.00, 19.30 Мультифильмлар...

ТВ МАРКАЗ 9.00 "Дата" байрам сони 10.00, 19.30 Мультифильмлар...

«AGAVA» ИШЛАБ ЧИҚАРИШ-ТИЖОРАТ ФИРМАСИ БАҲОСИ = СИФАТ (S) + КАФОЛАТ (S)

7.00, 13.00 Мультифильмлар дастури 7.25 Киноконцерт...

7.00, 13.00 Мультифильмлар дастури 7.25 Киноконцерт...









- ◆ **Остонаси тиллодан...**
- ◆ **Уккимизнинг бахтимиз.**
- ◆ **Ақабати "ўғри" бўлдимиз энди?..**
- ◆ **Алп қоматли болам,**  
*юлдузларинг муборак!*

## БИЛМАГАННИ СЎРАБ БИЛИНГ

Мен ҳаваскор ҳайдовчилик курсида таҳсил олаётман. Яқинда ўқитувчимизга ҳайдовчилик гувоҳнома-сидан ташқари шахсни тасдиқловчи ҳужжат – паспортни ҳам олиб юриш шарт экан, дедим. У киши эса паспорт ҳам, гувоҳнома ҳам Ички ишлар вазирлиги томонидан берилди. Шундай бўлгач, паспортни олиб юришининг кераги йўқ, дедилар. Шу гап тўғрими?

**Н.Каримова.**  
*Тошкент шаҳри.*

Ушбу саволга жавоб беришни Ўзбекистон Республикаси ИИБ Хорижга чиқиш, келиш ва фуқаролик бошқармаси бошлиғининг муовини, милиция полковниги С. Мираҳмедовдан илтимос қилдик.

– Ҳар бир ҳайдовчи ёнида паспортни олиб юриши шарт. Чунки, унда қайси манзилда яшаётгани рўйхатга олингани тўғрисидаги белги бор.

Мамлакатимизда биринчи "Оила тақвими" қачон чоп этилган?

**З. Одинаева,**  
*уй бекаси.*

Республикамиз мустақилликка эришгач, дастлабки миллий тақвим юртдошларимизга 1996 йилда "Езувчи" нашриёти томонидан тақдим этилди. Маданиятимиз ва қадриятларимизга оид материалларнинг кўплиги билан ажралиб туради. Шунингдек, улуғ аجدодларимиз ҳаёти ва фаолиятини ўрганишга ҳам алоҳида аҳамият берилган.

Оддий ишчиман, маошим тузуккина. Кейинги пайтда ичкиликка берилиб қолдим. Ишдан кейин қандай қилиб ичиб кўйганимни билмай қоламан. Ҳатто онам мени деб уйдан чиқиб кетдилар. Айтингчи, ичкиликка ружу кўйиш касаллики? Ундан батамом қутулиш мумкинми?

**С.Шерқўзи.**  
*Тошкент вилояти, Кўйшчирик тумани.*

Мутахассисларнинг фикрича, алкоголизм – касалликдир. У одамни ҳатто ўлимга олиб борадиган хасталикларга дучор қилиши мумкин. Ичкиликбозларда аста-секин моддалар алмашинуви бузилади. Овқатни кам ейди ва тананинг энергияга бўлган эҳтиёжини алкоголь ҳисобига қондиради. Натижада оқсиллар ҳамда дармондорилар етишмай қолиб, турли касалликлар юзага келади. Сурункали ичкиликбозликка мубтало бўлган кишини руҳий асаб касалликлари диспансери, шунингдек амбулатория ва оддий шифохонада даволаш мумкин. Бунда муҳим шарт шуки, ушбу масканларга мурожаат қилган одам бу ярамас одатни ташлашга астойдил аҳд қилиши ва ўзини қўлга олиши лозим. Спорт билан шугулланиш, мусиқа тинглаш, китоб мутолаа қилиш ҳамда бошқа машғулотлар билан ўзини чалғитиш яхши натижа беради.

### Фахр

## ОҚ ЙЎЛ, ЛЕЙТЕНАНТ ЎҒЛИМИ!

Яқинда республика Ички ишлар вазирлиги Ёнғиндан сақлаш олий техника мактабини битирган ёшлар қасамёд қабул қилиб, мустақил ҳаётга йўлланма олдилар. Улар орасида ўғлим Ойбек ҳам бор.

Боламнинг эғнидаги қадди-қоматига ярашган кийими ва унда ярқираб турган икки юлдуз – лейтенант унвонини кўриб бошим осмонга етди. Энди у ҳам тенгқурлари қатори ёнғиндан сақлаш идорасида ишлаб, халқимиз ва давлатимиз мулкни ўт балосидан сақлашга муносиб ҳисса қўшади. Бундан оила аъзоларимиз ҳар қанча фахрланса арзийди.

**Хурमतой ЭСОНАЛИЕВА.**  
*Фарғона вилояти, Богдоғ тумани.*

... "Зулфи-я-я!"

Бева аёл шахд ўрнидан туриб кетди. Югура эшикка борди. Тушими, ўнгими, уни чақирган овоз Искандарники эди. Хаёл суриб ётиб уйку элитаёзган экан.

Худди Искандар кириб келаятгандек, кўча эшикни ланг очиб юборди. Кўёш чарақлаб, ҳовли яшнаб кетган, гулбеорлар ранг-баранг очилиб, райхон ҳидлари уфуриб ётибди.

Зулфия истамайгина ишга киришди. Гиламларни чанготгичда тозалади, полларни артиди, шкафдаги кишки кийимларни олиб, сандиққа солмоқчи бўлди. Уларни олиб, бир-бир тахлар экан, шкаф ортида целлофанга кийгизилган кителга, яъни милиция ходимининг махсус костюмига кўзи тушди. Искандарники! Байрам ва тантанали кунларда киярман, деб уни авайлаб-асрарди. Секин целлофанни олди, кителни олиб бағрига босди.

Гўё Искандарнинг иси келадигандек, ҳидлаб кўрди.

## 2000 йил – Соғлом авлод йили



"Сизга ҳавасимиз келади, буважон!.." **Аҳмаджон САПАРМАТОВ** олган сурат-лавҳа.

### Ибрат

## ҚУРОЛНИ КЕЛТИРИБ БЕРДИ

Пойтахтимизнинг ТТЗ-4-даҳаси, 12-уй, 41-хонада яшовчи В. Меньюкова отаси вафотидан кейин хонадонда қолган ов милтиғини кўлига олиб, ўйла-ниб қолди.

Маълумки, ўқотар қурол, албатта, ички ишлар идорасида рўйхатдан ўтказилиши керак. Агар шу талабга риоя этилмаса у ноқонуний сақланаётган ҳисобланади. Ўқотар қурол ва ўқ-дориларнинг ноқонуний сақланишига йўл қўйган фуқаролар Ўзбекистон Республикаси Жиноят кодексининг 246-моддасига кўра жиноий жавобгарликка тортилади.

Буни яхши билган ва фуқаролик бурчини ҳис этган В. Меньюкова отасидан қолган ТОЗ БМ сумли, 16 калибрли ўқотар қуролни ички ишлар идорасига келтириб берди.

Қуролни тегишли идорага ўз ихтиёри билан топширган фуқаро эса жазодан озод этилади. Кўриниб турибдики, В. Меньюкова тўғри йўл тутиб, маҳалладошлари ва яқинлари олдида юзи ёруғ бўлди.

**Насиба ТОЖИБОЕВА.**

### Нафс балоси

## БОЛАЖОН ОДАМ ЭДИ, ЎҒРИГА АЙЛАНДИ

Қишлоқда "Носир ўғирлик қилибди", деган мишмиш тарқалганда бу гапга кўпчилик ишонмади. Тўғри-да, табиатан мулоим, болажон, фарзандларини илм зиёсидан баҳраманд этаётган муаллимнинг бундай ноҳўя ишга қўл уриши кимнинг хаёлига келибди, деб ўйлашди.

Аслида Қўшрабат тумани Оқтепа ижара хўжалигида яшовчи, беш фарзанднинг отаси бўлган Н. Носир бозорга пул ўғирлайман, деб бормаган эди.

У рўзғор учун керакли харидларни қилгач, майиз сотилаётган расталар олди-га бориб қолди. Шунда... қартайиб қолган отахон харидорларга майиз тортиб бераётгани, олдидаги халтада эса жарақ-жарақ пуллар борлигини кўриб эси огаёзди. Даволаниши учун пул кераклигини эслади-ю, шайтон васвасасига учди. "Шунча пулни мен олмасам бошқа биров ўмарак", деган хаёл миясида гужғон ўйнай бошлади.

Нафс балосига учган Н. Носир отахонни чув тушириб, пулни илиб кетди.

Пули йўқолганини сезган майиз сотувчи Ш. Холиқов зудлик билан Қўшрабат тумани ИИБга мурожаат қилди. Олиб берилган тезкор суриштирувлар натижасида Н. Носир ушланди. У қилган ишидан пушаймон бўлиб, пулнинг бир сўмига ҳам тегмай 70 минг сўмни милиция ходимларига ўзи чиқариб берди.

Одамнинг энг яқин душмани унинг нафсидир, деганлари рост. Зеро, бир лаҳзалик ожизлик инсон умрини тубдан ўзгартириб юбориши мумкин экан. нафс туйғули бир болажон ўқитувчи қишлоқда "ўғри" деган ном олгани бунинг исботидир.

Таассуфлар бўлсинки, жиноятга қўл уриш осон, аммо унинг чангалидан, иснодидан қутулиб чиқиш қийин.

**Меҳри АБДУРАҲИМОВА,**  
*милиция старшинаси.*

### Тазарру

## СУЛТОННИ

кутинг, деб айтганини муҳайё қиларди.

Балки, шу толиқишлар, балки ишидаги ноҳушликлар сабаб, балки ҳар икки сабаб бир бўлиб Искандарни йиқитди. Зулфия умр йўлдошидан, хонадон таянчидан куппа-кундуз кун, авжи навқирон ўттиз уч ёшида айрилди.

Кейин, кейин Зулфияга ҳар қадамда Искандар керак бўлди. Лекин уни тополмади. Телефон идораси қаерда, маълумотнома берувчи маҳалла кўмитаси қаерда, электр пулини қайси кассага ўлайди, ҳатто шуларни ҳам билмас экан.

Зулфия рўйхат битилган варақни бағрига босаркан: "Нега уни асролмадим, нега унинг қадрига етмадим", дея оҳ тортувдек бўлар, овози ичидан чиқмас эди.

Зулфия кителни ҳовлига олиб чиқиб, офтобга солар экан, эрим борида ҳовли қандай файзли, ҳамма нарса кулиб тургандек эди, деб кўнглидан ўтказди. Уша азиз дамларнинг қадрига етмабди-я. Шунчалик ношукр бўладими? Мана энди бўйнига тушганда қилапти-ку! Тикиш-бичишни, новвойликни ўрганди. Бу хунарлар эндиликда тирикчилигига ярапти.

Авалроқ, Искандар ҳаётлигида ҳаракат қилса бўлмас эканми? Қани энди у дамлар, қани энди уйини обод қиладиган дугоналари, қани у қувноқ ўтиришлар ва гаштаклар? Бари Искандар билан кетди.

Зулфия эркак оила таянчи, рўзғор салтанатининг Султони экани, турмуш аравасини баравар тортиш кераклигини тушуниб етган эди...

**Анвар ҒУЛОМОВ,**  
*милиция майори.*

# “БУ КИМ, ЖАЗМАНИНГМИ?..”

(Бўлган воқеа)

Бекатда автобус кутиб турган Лоланинг кайфияти чоғ. Яқин дугонасининг тўйига кетаётганиданми ёки оқшом қўйнидаги шаҳар тароватиданми вужудини ажиб бир ҳис қамраб олди. Аммо бир барзанги йигитнинг ўзига қараб совуқ жилмаяётгани бир зумда кўнглини ғаш қилиб юборди. Йигитнинг олдида келди-да, секин:

— Қани, опажон, қўлларингиз ва бўйнингиздаги “темир-терсақлар”ни буёққа чўзиб қўйинг-чи. Қаршилиқ кўрсатишни хаёлингизга ҳам келтирманг, — дея кўрсаткич бармоғини томоғига тиради.

Лоланинг хуши бошидан учаёзди. Эрталаб онаси: “Бунча зеби-зийнатга

бурканиб борма, қизим. Кеч қайтасан. Йўлда тўғри ҳам, ўғри ҳам бор”, деб берган насиҳатини эслади.

“Ойим тўғри айтган эканлар. Зирагу узукларим бошимга бало бўлмаса эди”, ўйлади Лола.

— Нима, ухлаб қолдингми? Тезроқ еч! — У йигитнинг дағдағасидан ўзига келди. Наҳот излаб атрофга боқди. Бекатдаги йўловчилар бамайлихотир суҳбатлашиб турардилар. “Одамлар бунчалар лоқайд” — деди Лола ўзига ўзи хўрлиги келиб. Шу вақт осмондан тушдими, шундоққина рўпарага “Жигули” автомашинаси келиб тўхтади ва ундан ўрта ёшлардаги ҳайдовчи тушиб, тўғри уларга яқинлашди.

— Кеч бўлганда нима

қилиб юрибсан? — деди у Лолага. — Уйда болалар ёлғиз бўлса-ю, сени юришингни қара.

— ...  
— Яна индамайди. Пул топиб, рўзғор тебратиш ўрнига мен уйда ўтирайми? Бу йигит ким? Жазманингми?!

Бу таширфдан нафақат Лола, балки йўлтўсар ҳам довдираб қолди.

— Нима деяпсиз, ака! — деди у. — Мен бу аёлни биринчи бор кўриб туришим.

— Сендан сўраётганим йўқ, — деди ҳайдовчи йигитга, сўнг Лолага буюрди: — Ўтир машинага! Ҳали шошмай тур...

Қиз унга термулар экан, ҳалоскорининг кўзларидан ўз фарзандини койиётган отанинг меҳрига ўхшаш туйғуни сезди.

Нима бўлганда ҳам бу одамни ҳимоя қилиш учун Яратганинг ўзи юборганини ич-ичидан ҳис этиб турарди.

Машина ўрнидан қўзғалиб, бироз юргач, ҳайдовчи у томонга ўгирилиб:

— Синглим, қаерга борасиз? — деди.

— Тахтапулга.

— Ҳайрон бўлманг. Ишдан бўш вақтларимда кира қилиб тураман. Бекатдан сал нарироқда атрофни кузатиб турувдим. Кўзларингиз жавдираб турганини кўриб, ёрдамга ошиқдим. Ёнингиздаги йигит сизнинг тенгингиз эмаслигини кўнглим сезди.

— Ҳа, сизни Худонинг ўзи етказди.

Бу орада машина Тахтапулга ҳам етиб келди. Лола машинадан тушар

экан, ҳайдовчига яна бир қарра миннатдорчилик билдириб, йўлкира узатди. Аммо у олмади.

Лола бўлган воқеани онасига сўзлаб берди.

— Халоскоринг ким экан, қизим? — сўради онаси қўрқув ва ҳаяжондан овози титраб.

— Вой, эсим қурсин, ўзим билан бўлиб, ҳатто исмини ҳам сўрамабман-ку.

— Ким бўлса ҳам илоё йўли равон, ҳаёти чароғон бўлсин. — она шундай дея дуога қўл очди.

Уйкуга кетиш олдида Лола эртанги кун тартибини кўриб чиқди. Биринчи бажарилиши лозим бўлган иши газета орқали нота-ниш ҳайдовчига, уни йўлтўсардан ҳимоя қилиб, соғ-омон уйига етказган инсонга миннатдорчилик билдириш эди...

Дили ОРОМ.

Шифокор маслаҳати

## СОҒ БЎЛАЙ ДЕСАНГИЗ

Кунжутнинг оқи ҳам, қораси ҳам хотирани тиклайди. Бунинг учун 1-2 граммдан кун ора бир ой истеъмол қилиш керак.

\*\*\*  
Шафтоли барги қайнатмасини ичиш иситмани туширади.

\*\*\*  
Оқар сувда кўп чўмилиш, кўзнинг нуруни қирқади, буйракка ҳам зарар.

\*\*\*  
Хом бақлажон қанд касалига даводир.

\*\*\*  
Газета, китоб қоғозларига егулик ўраш соғлиққа зарар.

\*\*\*  
Ўпка силида қор, ёмғир сувидан чой дамлаб ичиш фойдалидир.

\*\*\*  
Соппа-соғ одам ҳам қор, ёмғир сувда овқат қилса ёки уни иситиб чўмилса, саломатлиги учун ниҳоятда фойдалидир.

\*\*\*  
Беҳи уругини янчиб истеъмол қилиш юрак хасталигига даво.

\*\*\*  
Ялпиз ва ер қалампирининг томири мўртлашган суякларни мустаҳкамлайди. Бу хусусият мўмиё, асалда ҳам борлиги барчага маълум бўлса керак.

\*\*\*  
Узум чирмови дамламаси қон босимини тушуради, меъдада нордонлиқни кўтаради.

\*\*\*  
Инсон жигари 3 нарса-ни яхши кўради: хом қарам, қаттиқ нон ва асални.

А. АБДУСАТТОРОВ,  
нафақадаги шифокор.

### Мўъжизасиз мўъжизалар

## НИЯТ ЯХШИ БЎЛСА

Азизлар, ким ҳам туш кўрмайди, тушга нима ҳам кирмайди дейсиз. Аммо туш кўриш инсонга Яратган томонидан берилган ноёб қобилият эканлигини, баъзан кишини қийнаган, ўйлангирган муаммоларнинг ечими унга уйқуда аён бўлишини ҳам унутмаслик керак.

Узоққа бориб ўтирмасдан ўз ҳаётимдан бир мисол келтираман. Мен пойтахтнинг Эски шаҳар қисмида, Чувалачи кўчасида тураман. 70-йилларда маҳалламиз ана бузиларкан, мана бузиларкан деган гаплар юрарди. Болалар воёга етиб, қўшимча уй қуриш зарурати туғилди. Йиққан-терганимга қурилиш материаллари харид қилиб юрувдим. Шундоқ қўшни ҳовлида турадиган раҳматли акамга маслаҳат солдим.

— Эсингни еб қўйганмисан? Эрта бир кун бузилса, ҳукумат пулини бермайди, чув тушиб қолаверасан. Сабр қил, бузиладиган бўлса, ё дом ёки иморат жойи оласан, — дедилар. Лекин кўнглим қурғур “Худога таваккал қилиб иморатни бошлайвер” дерди.

Дам олиш куни пешин пайти покланиб Оллоҳдан аён беришини илтижо қилиб уйқуга кетдим. Тушимга оппоқ кийинган, оқ соқоли нуроний отахон кирдилар.

— Ассалому алайкум, — дедим одоб билан қўлимни кўксимга қўйиб.

— Ва алайкум ассалом. Бўтам, иморат қилмоқчи экансиз. Бу ерлар бузилмайди, бошлайверинг, — дедилар у киши.

Тезда уйғониб кетдим. Шу кунидеъ усталарни бошлаб келиб, материалларнинг ками-кўстини суриштирдим. Кўп ўтмай усталар ишни бошлаб юборишди. Акам раҳматлик ўтганда ҳам, қайтганда ҳам мени койир, қайсардан олиб қайсарга солар эдилар. Гапларини бошимни эгиб, кулимсираб эшитардим, лекин тушим ҳақида лом-мим демасдим. Тўғриси, негалигини билмадим, бал-

ки Оллоҳнинг марҳаматини кўз-кўз қилишга қизғангандирман ё уялгандирман.

Иморат ҳам битди, у ерда акамнинг ҳам меҳмонлари неча бор қўноқ бўлишди.

— Қара-я, — дердилар гоҳо акам бош чайқаб, — бузишмади-я, насиб қилгани бўлар экан-да.


Мен яна индамай ерга қараб кулимсираб турардим.

Ҳаётимда бунақа тушларни бир неча бор кўрганман. Бир нарса-ни англадимки, хосиятли, башоратли туш кўришни истовчи киши пок, ҳалол бўлиши, яхши ниятда юриши, ҳар томонлама озодагарчиликка риоя қилиши, Яратгандан чин ихлос билан сўраши керак экан.

Кейинроқ туш кўришнинг илмий томонларига қизиқиб анчамунча китоб ҳам мутолаа қилдим. Улардан билдимки; аён берувчи туш кўришни истаган одам оҳ ҳам бўлмаслиги, тўйиб ҳам овқат емаслиги, ётадиган жойи боҳаво бўлиши, ётиш олдида ортиқча ўй-хаёл сурмаслиги керак экан. Ўта тўйиб овқатланиб ухлаган киши, овқат буглари мияга уриб ёмон, алғов-далғов тушлар кўрар экан. Оч одам паршонхотир тушлар кўрар экан.

Тушлар тўғри ва маъжозий маъноли бўлар экан. Юқорида мен кўрган туш тўғри тушлар сирасига киради. Таъбирчилар тушда пахта кўрилса ҳалол мол, отга миниб — муродга етиш, чақалоқ — беморлик деб таъбир беришади. Нима бўлганда ҳам, киши ёмон туш кўрганда ҳам уни яхшиликка йўйишга интилиши керак. Чунки, тушнинг боши катта, бўйни ингичка бўлади деган нақл ҳам бор. Яъни, уни қаёққа бурсанг, бурилавереди. Гап яна айланиб келиб ниятга тақалади. Ҳамиша яхши ниятлар билан Оллоҳга таваккал қилайлик, азиз биродарлар.

Абдусаттор  
АБДУРАЙИМ ўғли.



Йўлда ҳар нарса бўлиши мумкин.  
Бир-биримизга ёрдам беришни унутмайлик.

Bir kishi yo'lda ketayotsa, gulxanda yonayotgan ilonni ko'rib qoldi. Unga rahmi kelib, darhol qilichini qinidan chiqarib, ilonni alanga ichidan qutqarib oldi. Ilon olovdan chiqa solib, kishining bo'yniga yopishdi.

— Ey, yaxshilikni bilmagan ilon! Nima qilyapsan, o'zi? Axir, men seni o'limdan qutqarib qoldim-ku! — dedi u.

— E, soddadil inson, bu dunyoda hech mahal yaxshilikka yaxshilik qaytmagan. Agar xohlasang, bu da'voimni guvohlar bilan isbotlayman, — dedi ilon.

— Yaxshi. Kel, bo'lmasa uch guvohdan so'raymiz. Agarda so'zing tasdig'ini topsa... nima ham qilay, unda ixtiyor senda!

Ular yo'lda bir Xurmo daraxtiga duch kelishdi.

Odam bo'lgan voqeani Xurmo daraxtiga so'zladi va undan so'radi:

— Ey, azizim, Xurmo,

## YAХSHILIK

Masal

qani ayt-chi, bu dunyoda yaxshilikka yoki yomonlikmi?

— Ey, soddadil odam, — dedi Xurmo. — Dunyodagi bor tirik mavjudod kun issig'ida soyamda o'tirib, hordiq chiqaradi. Lazzatli mevam bilan mahal yaxshilikka rahmat o'rniga daraxtim tagini turlituman axlatlar, sindirilgan shox-shab-balarga to'ldirib ketishadi. Ularning bunday qiliqlari yaxshilikka yaxshilikmi?

Bu so'zlardan keyin ilon kishini yanada mahkam bo'qa boshladi.

— Shoshma, ey ko'rnamak, — dedi odam. — Hali yana ikki guvoh bor. Ular nima deydi?

Ular yo'l yurib bir Anhorga kelib qolishdi.

Kishi o'z dardini Anhorga aytdi.

— Ey, soddadil odam, — dedi Anhorga. — Xudo yaratgan o'n sakkiz ming olamga dunyodagi eng oliy ne'mat — hayot bag'ishlayman. Ular bo'lsa tevarak-atrofigimni, tip-tiniq suvimni bulg'atishgach, go'yo tozalik-ozodalik yuzini ko'rmaganday bo'lib qolaman. Qani, ayt, shu ham yaxshilikka yaxshilikmi?

Ilon odamni yanada bo'qa boshladi.

— Ey, noinsof banda! Biroz tomo-g'imni bo'shat, nafas ololmay qoldim. Hali oldinda uchinchi guvoh bor. U nima deydi?

Shu mahal ularning yonidan bir Quyong o'tib ketayotgan ekan.

— Ey, beozor, dono quyong, — dedi odam. — Bizning yonimizga

Bolajonlar uchun

yaqinroq kelib, o'rta-mizdagi yuz bergan bahsni hal qilib ber! Kim haq? Kim nohaq?!

Kishi o'z boshiga tushgan kulfatni birmabir gapirib berdi.

— Yaxshi, — dedi Quyong. — Buning uchun men bo'lgan voqeani o'z ko'zim bilan ko'rib ishonay, so'ngra bahsni adolatli hal qilib beraman.

Bu gap ularga ma'qul bo'ldi. Ular qurigan shox va cho'plarni yiq'ishib, katta gulxan yoqishdi.

Ilon erinchoqlik bilan, istar-istamas zo'rg'a gulxanga tushdi-yu, yonib kul bo'ldi.

Odam Quyongning donoligiga qoyil qoldi. Unga cheksiz minnatdorchiлик bildirib, o'z yo'lga ketdi.

lymonini yo'qotgan odam shaytondan ham o'tib tushadi. Yaxshilik esa o'z-o'zidan kelmaydi. Yaxshilikka erishgach, unga xiyonat qilib bo'lmaydi.

Erkin QODIROVI.

Сайёра ичкарига отилиб кириб устига кийимини илди-да, пул олиб чиқди. Икковлари кўчада дуч келиб тўхтаган машинага ўтириб касалхонага жўнадилар. Қабулхонадаги қиз журналини варақлаб, Руҳиллони реанимациядалигини айтди. Қиз тушунтириб берган корпуснинг кираверишида бир ўрта ёшлардаги ҳамшира ўтирарди.

— Сизлар қаёққа? — сўради у Сайёранинг йўлини тўсиб.

— Шарипов Руҳиллони кўришим керак, опа, — деди Сайёра. — Ҳали олиб келишибди.

— Ҳм-м, боши лат еганми? Ҳозир кўролмайсиз, — деди ҳамшира. — Реанимацияда.

— Жон опа, бирровга кириб чиқай, — ялинди Сайёра.

— Реанимацияга ҳеч ким кўйилмайди. Мумкин эмас.

— Жон опа... — Мумкин эмас. Беҳуш ётибди. — Сайёра яна бир нима демоқчи эди, ҳамшира гапиртирмади. — Эртага келинг, ҳозир бефойда.

Сайёра ноилож бошини гуноҳкорона эгиб турган Мамажон билан ташқарига судралди. Кўчага чиқдилар.

— Сиз бораверинг, — деди Сайёра Мамажонга. — Мен қайнонам, қайнотамга хабар берай.

Мамажон кетди, Сайёра қайнонасиникига жўнади. Унинг бутун дунёси қоронғу, беихтиёр ҳаракат қиларди. Сайёра қайнота, қайнонасига воқеани баён қилди. Бирпас гаплашиб ўтирдилар. Эрталаб касалхонада учрашишга келишганларидан сўнг, Сайёра ўрнидан туриб кетишга чоғланди. Қайнота, қайнонаси қолинг деб қанча қисташмасин, унамади. Бироқ уйига келиб минг пушаймон еди. Чунки, хонадон эгаси кўчиб кетгандай хувиллаб ётар, қўрқинчи эди. Шунда Сайёра эрига нақадар боғлиқлигини ич-ичидан ҳис этди, юраги

(Давоми. Боши ўтган сонда.)

увишти. Ишга қўли бормади, ўтиришга ҳам сабри чидамади, тинмай у хонадан бу хонага кириб-чиқаверди. Фақат вақт ярим кечадан ошгандагина ётди ва ухлади, ё ҳушидан кетди, билолмади.

Турган заҳоти шўрва пишириб касалхонага йўл олди. Қайнота, қайнонаси ҳали келишмаганди. Сайёра уларни кутмай, эри ётган палата томон юрди. Кечаги ҳамшира уни таниди.

— Ассалому алайкум, опа, эримнинг... — дейиши билан ҳамшира ўрнидан турди.

— Юринг, — у йўл бошлади. — Эрингизнинг ҳарорати қирққа чиқиб кетди. Тун бўйи алаҳсиради, сув сўрайверди. Бутун палатадагиларга уйқу бермади.

Сайёра палатага кирди, ранги докадай оқарган эри кўзларини юмганча қимирламай ётарди. У хотинининг саволларига жавоб беролмади, кўзини очмади. Олиб келган шўрвадан ичирмоқчи бўлиб уввало уннади, эплотмади. Қайнона, қайнонаси ҳам кириб бирпас ўтириб кетдилар. Сайёра ҳамширадан сўради:

— Опа, кечаси ҳам қолсам майлими?

— Врач рухсат бермайди. — Врачга “ҳозир келдим” дейман.

Ҳамшира қўл силтаб индамади ва бошқа беморлар томон юрди. Шундай қилиб, Сайёра эрининг бошидан сира жилмади. Навбат алмашган бошқа ҳамшираларга “врач рухсат берди” деб ёлғон гапирди, врачни эса “ҳамшира илтимос қилди” деб алдади. Охири, касалхонадагилар унга кўникдилар, “нима қилиб юрибсан?” деб сўрамайдиган бўдилар. Сайёра эрининг ҳарорати тушгунча икки ҳафта бошида ўтирди. Бироқ Руҳилло тузалмади. Эр-хотин бир ой чидашга

шайландилар. Сайёра энди бу аҳволда касалхонада яшаши мумкин эмасди, чунки ҳомиладор эди. Руҳилло ўғил кутарди.

Орадан бир ой, икки ой ўтди, врачлар ҳеч қандай тузук-қуруқ ваъда беролмасдилар. Руҳиллонинг

нинг барча ташвишларини тўла ўз бўйига ортди. Доридармон ва озиқ-овқатга пул топиш дарди вужудини кечаю кундуз бамисоли қуртдай кемирарди. Сайёра тагин иш қидиришга киришди, бироқ дарров топиш қийин эди. Энг асосий са-

қарзларидан қутулишди, уйларини яхшилаб жиҳозлашди, қисқаси, қаллари яна кўтарилди.

Сайёра бир куни эрига деди:

— Руҳилло ака, қачон отпускога чиқасиз? Онамларникига бориб келсак дегандим. Қизингиз ёмон лоҳас бўляпти. Бувисини, тоғаларини кўрарди...

— Тўғри айтяпсиз, — деди Руҳилло жонланиб. — Шу ҳафтаёқ жўнаймиз.

Руҳилло айтганини қилиб, поездга чипта олиб келди. Кийим-кечкаларини йириштиришди.

Энди вокзалга жўнарканлар, телефон жиринглаб қолди. Телефонда гаплашган Руҳиллонинг кайфияти кескин ўзгарди. Сайёра ҳавотирланиб нима гаплигини сўради.

— Иш расво! — деди Руҳилло бошини ушлаб. — Битта чала битган ҳовлида ишлаётгандик. Кимдир темир қувурларни ўғирлаб кетибди!

— Вой, энди нима бўлади? — Сайёра боласини бағрига босганча типирчилади.

Руҳилло пича ўйланиб турди-да, бир қарорга келди:

— Сиз жўнайверинг, — деди қатъий. — Мен орқаларингдан етиб бораман.

— Ишингиз ҳал бўлгунча кутиб турсам-чи?

— Йўқ, бораверинг, ишнинг қачон ҳал бўлиши номаълум.

Руҳилло яна иш ташвишлари ўз чангалига тортиди. Йўқолган қувурларни топишнинг иложи бўлмади. Руҳилло кун бўйи ишхонасида гимирлар, кечқурун эса уйда нақ ёрилиб кетай деб ўтирарди. У ёлғизликни кўтаролмайдиганлар хилидан эди. Кўрпада соатлаб у ёқдан бу ёққа аганар, сира ухлаёлмасди. Телевизор томоша қилса, асаби қақшарди.

Ана шундай кечқурун-

лардан бирида оғайниси ташриф буюрди. Уни судрагудай қилиб ресторанга олиб кетди. Ресторанда одам кўп эди, юракларни зириллатиб мусиқа гумбурлар, унга маст одамларнинг гўнғир-гўнғири қўшилиб галати кайфият уйғотарди. Ошналар столга ўтиришга улгурмасларидан умумий танишлар топила қолди. Қадаҳлар уришиб ҳол-аҳвол сўрашу ўпка-гиналар бошланди. Ўртада тўртта жуфтлик ҳар мақомга йўрғалаб рақс тушарди. Руҳилло ўйнаётган аёлни кўрдию сесканиб кетганга ўхшади, унга нигоҳини тикандай қадаганча қимирламай қолди. Аёл китобларда тасвирланадиган парининг ўзгинаси эди. Тим қора қош, кўзлари, товланиб эркаланаётган сочлари, илоҳий кўкси — ҳаммаси бир-бирига монанд. Руҳилло ошналарининг унга гапириб, туртишларини ҳам сезмас, гўё карахт эди. Балки, бир неча кун хотинисиз, ёлғиз яшаётгани туфайли бу гўзаллик олдида ганиб қолгандир.

Мусиқа тинди, гўзал аёл қўлларини паства тушириб Руҳиллога ишвали текилиди ва ўз столи томон таманно билан юрди. Руҳилло худди гипнозлангандай эҳтиёткорликни ҳам унутиб аёлнинг ёнига борди. Аёлни рақсга таклиф қилди. То мусиқа ўчгунча тинмай рақсга тушдилар. Руҳилло нақ аёлнинг кўксини ёриб кириб кетгудай алпозда эди, бироқ мақсадини қандай айтишни билмасди. Муаммони аёлнинг ўзи осонгина ҳал қилди.

— Сизникига борамизми? — шивирлади у жозибали. Руҳиллонинг ҳаяжондан тили курмаканди. Бир зум таққа тўхтади. Худди сира кутилмаганда тилла топиб олгандай эсанкираб қолганди.

— Бўпти, бўпти! — деди у ҳовлиқиб.

(Давоми бор.)

## Бир жиноят тафсилоти

Маълумки, ички ишлар ходимлари жиноятнинг олдини олиш, содир этилганларини ўз вақтида очиб, юртдошларимиз осойишталигини таъминлаш йўлида хормай-толмай меҳнат қилмоқдалар. Аммо, афсуски, баъзан бу соҳага тасодифан кириб қолганлар ҳам учраб турибдики, улар соф виждонли милиция ходимлари мисқоллаб тўплаган обрў-эътиборини тўқиб юбормоқдалар. Яқинда ана шундай нопок ходим жиноят устида қўлга олинди. Товламачи қилган ножўя иш бошқаларга ўрнатилган бўлсин, деган мақсадда ушбу воқеа тафсилотини эътиборингизга ҳавола этилмиш.

Ҳаётни синов дейишади. Ҳозирги ўтиш даври эса янада қаттиқ синов. Қашқаларёнинг Қамаша шаҳридан Муборез Чўлиев ана шундай синовдан ўтолмади. Ўзи милиционер, яхши маош олади, шунингдек, бир қанча имтиёзларга эга бўла туриб, ҳақлақ отган нафси етовига юрди.

У тумандоши Шавкат Нуримовнинг гайриқонуний гиёҳвандлик моддалари сотишини эшитиб, ана шундан фойдаланиб қолмоқчи бўлди. “Гиёҳфурушни шунчаки тутиб берганим билан менга нима фойда?” дея ўйлади Чўлиев. У ёнига ҳамтовоқлари — Фахриддин Арабов, Воҳид Худойкулов ва Ўрол Жалоловларни тўплади. Воқеани тушунтиргач, биргалашиб режа туза бошладилар. Мақсад оғуфурушнинг “моли”ни сотишга кўндириш, сўнгра уни кўрқитиб

пулини олиш эди.

Эртасига пухта тайёргарликдан сўнг йўлга чиқдилар.

Ойнакўл қишлоғига етиб келишгач, Муборез Чўлиев машинаси билан берирокда қолди. Уч шериги эса нашафурушникига бордилар. Шавкат Нуримов ярим кило нашани 50 минг сўмга сотишга кўнди. Қамаша — Қўшчи йўлида соат тахминан 12 ларда учрашишга келишиб, Қамашига қайтишди. Ўша куни жиноий гуруҳнинг ҳамма аъзоси Муборезникида туннадилар. Эрталаб нонушта қилишиб, тайинланган жойга йўл олишди. Йўлда Муборез шерикларига юзланиб, деди:

— Фахриддиннинг қўл-оёғини боғлаб, ўзини машина юкхонасига жойлаймиш. Уни Шавкатга

кўрсатиб, “Наша билан ушладик” деймиш. Юраги ёрилиб кетсин.

Фахриддин Арабовни юкхонадаги кўрпачага ётқизиб, оёққўлларини боғладилар. Мана, мотоцикл миниб келаётган икки нафар киши кўринди. Улардан бири Шавкат, иккинчиси укаси эди. Салом-алиқдан сўнг Шавкат қўлидаги елим халтачани Ўролга тутқазди.

## БУЖАЛАМУН

— Мен вилоят ички ишлар бошқармаси жиноят-қидирув бўлимиданман! — деб Ўрол Муборез Чўлиевнинг гувоҳномасини кўрсатди, кейин Шавкатнинг қўлларини орқасига қайирди.

Буни кўрган ука — Холмурод Нуримов қочмоқчи бўлганди, Воҳид Худойкулов уни тутиб келди. Кўрқиб кетган Шавкат Нуримов жон ҳолатда ялиниб-ёлвора бошлади. Муборез Чўлиев машина юкхонасини очиб, боғлиқ ётган Фахриддинни кўрсатди.

— Кўриб қўй, — деди дағдағли овозда, — бу ҳам наша сотаётганда қўлга тушди! Ўрол машинадан видеокамера-

ни олиб, жиноятчиларни ёлғондакам тасвирга тушира бошлади. Нашафуруш Шавкат тамом бўлди, йиғлағудай бўлиб ёлворди:

— Жон акажон, нима десангиз қиламан! Мени озод этинг! Ҳамма нарсага тайёрман!

Аммо Муборез ва унинг шериклари қаттиқ турдилар. Сохта баённома ёздилар, уяли телефон-

да гўёки аллақер билан гаплашдилар. Нашафурушни роса кўрқитишгач, милиционер юмшагандай бўлди:

— Гапир-чи, нима демоқчисан? Неча йилга қамалишингни биласанми?

— Сиз нима десангиз шу...

— Унда эшит, сенга йигирма беш дақиқа муҳлат. Минг доллар топиб келасан. Тушундингми? Бўлмаса ўзингдан кўр, биздан хафа бўлма!

— Хўп, ака, топаман! — деди Шавкат кўрқувдан қалтираб.


— Уканг шу ерда гаровга қолади. Алдаб кетишни хаёлингга келтирма, тушундингми?

Мурод ТИЛЛАЕВ.

# КРОССВОРД

**Энига:** 9. Россия автомобили русуми. 10. Айрим мамлакатларда маъмурий ҳудудий бўлинма. 11. Экин майдонидаги асосий сув йўли. 12. Муассасанинг пул муомаласини олиб боровчи бўлими. 13. Бирор нарсанинг асоси. 14. Тоҳир Маликнинг "Шайтанат" қиссаси қаҳрамони. 19. Бино қуришдаги мослама. 20. Фарғона водийсидаги дарё. 21. Кимёвий элемент. 22. Алишер Навоий асари. 23. Саид Аҳмаднинг "Уфқ" романи қаҳрамони. 26. Ўрта денгиз бўйидаги шаҳар. 28. Бошқариш. 30. Белги, ишора. 32. Савдо ёки саноат бирлашмаси. 33. Савдо-сотик маскани. 34. Оврупоча рақс. 39. Иншоот ичидаги ёпиқ бўшлиқ. 40. Қовун нави. 41. Насл, зурриёт. 42. Каштачиликда гул тикиш усули. 43. Дунё томонларини кўрсатувчи асбоб. 45. Халқ, фуқаронинг яна бир атамаси. 47. Тақинчоқ. 49. Дори тўлатилган идиш. 50. Маълум бир соҳада етакчи киши. 51. Чехия автомобили русуми. 52. Инсоннинг билиш қобилияти. 57. Серқатнов катта автомобил йўли. 58. Ҳўл мева. 59. Жануб меваси. 60. Муסיқа асари ижроси усули. 61. Ўзбекистондаги йирик саноат шаҳарларидан бири. 64. Математик боғланишни белгилувчи формула. 66. Геометрик шакл. 68. Радио эшиттириши олиб бориладиган хона. 70. Қадимда сипоҳийларга ўзи ва оти учун бериладиган маош, озиқ. 71. Рўзғор буюми. 72. Ёғочи қорамтир жануб дарахти. 73. Украина футбол командаси. 74. Тўрт мисрадан иборат мавзу ва гоёсига эга бўлган шарқ шеърятига хос асар ижодкори. 75. Шифобахш чўл гиёҳи.

**Бўйига:** 1. Илк ҳосил. 2. Бўйни узун жануб жонивори. 3. Фонограф ихтирочис ва америкалик корхона эгаси. 4. Француз халқининг миллий қаҳрамони Жанна Д'Арк бошчилигида босқинчилар қамалидан озод этилган тарихий шаҳар. 5. Радиоқурилмани бошқарувчи мутахассис. 6. Углерод ва водороддан иборат газ. 7. Таниқли ўзбек қиличбози. 8. Ватанимиздаги тоғ-ўрмон кўриқхонаси. 15. Электр двигателнинг айланадиган қисми. 16. Цирк саҳнаси. 17. Ёзувчи Мирқарим Осимнинг тарихий қиссаси. 18. Тошкент вилоятидаги шифобахш оромгоҳ. 24. Муҳаммад Али қаламига мансуб тарихий роман. 25. Иззат Султоннинг "Имон" драмаси қаҳрамони. 26. Математик белги сифатида қўлланиладиган юнон ҳарфи. 27. Рус физиги ва электротехниги. 28. Табиий тўсиқ. 29. Ҳиндистонлик шоҳмот гроссмейстери. 30. Йирик жануб паррандаси. 31. Автомобилнинг электр энергия манбаи. 35. Тюленлар оиласига мансуб курак оёқли жонивор. 36. Тўшамма жиҳоз. 37. Грециядаги тоғ. 38. Қора денгиз соҳилидаги шаҳар. 44. Аввалдан тузилган кирич-чиқим ҳисоби. 45. Сўз туркуми. 46. Санъат тури. 47. Қадимги юнон муаррихи Геродот асари. 48. Тарғибот воситаси техникаси. 49. АҚШдаги штат. 53. Асосан Болтиқбўйидаги республикада яшовчи миллат. 54. Яйлов маскани. 55. Ой юзасига қўнган "Аполлон" кемасида парвоз этган фазогир. 56. Маъмурий-ҳудудий бўлинма. 62. XIX асрда яшаб ижод этган ўзбек шоири, таржимон ва моҳир хаттоти. 63. Сафардаги ҳамроҳ. 64. Тожикистондаги дарёга номдош шаҳар. 65. Ҳисоб илмидаги амаллардан бири. 66. Кузпишар тоғ меваси. 67. Ўтга чидамли, толали маъдан. 68. Яқин Шарқдаги давлат. 69. Дунё аҳамиятига молик тиллардан бири.



дий бўлинма. 62. XIX асрда яшаб ижод этган ўзбек шоири, таржимон ва моҳир хаттоти. 63. Сафардаги ҳамроҳ. 64. Тожикистондаги дарёга номдош шаҳар. 65. Ҳисоб илмидаги амаллардан бири. 66. Кузпишар тоғ меваси. 67. Ўтга чидамли, толали маъдан. 68. Яқин Шарқдаги давлат. 69. Дунё аҳамиятига молик тиллардан бири.

Фозилжон ОРИПОВ тузди.

## ГАЗЕТАНИНГ ЎТТАН СЕНИДА ЭЪЛОН ҚИЛИНГАН КРОССВОРДНИНГ ЖАВОБЛАРИ:

**Энига:** 1. Эластик. 5. Лагос. 8. Исаев. 9. Лавҳа. 10. Антология. 12. Или. 13. Дақиқа. 14. Эшелон. 17. Зеб. 18. Мирмуҳсин. 20. Тўртқўл. 21. Битим. 23. Ранда. 24. Вильнюс.  
**Бўйига:** 1. Этика. 2. Ака. 3. Тувалок. 4. Калуга. 5. Ловия. 6. Гладиолус. 7. Стадион. 11. Тақабурун. 13. Дозатор. 15. Штурвал. 16. Крилов. 18. Макка. 19. Немис. 22. Тун.  
**МУАММОНОМА:** Ҳикмат: *Бу икки бирикса, бўлур эр тугал, Тугал эр оламини тамом ер тугал.*

## Спорт

### МУАЙ ТАЙЧИЛАР БЕЛЛАШУВИ

Самарқанддаги Марказий спорт мажмуида 1983-84 йилларда туғилган ўғил болалар ўртасида муай тай бўйича республика чемпионати бўлиб ўтди. Мамлакатимизда бу спорт турини ривожлантиришга катта эътибор беришдан мақсад, ёшлар ўртасида жиноятчиликнинг олдини олиш, турли хил қонунбузарлик ва жиноятчиликларга қарши курашиш учун соғлом, чиниққан йигитларни тайёрлаш, ҳар томонлама чаққон, ҳушёр, бақувват спортчилар орасидан ички ишлар идораларида ишлаш учун кадрлар танлаб олишдан иборат.

Ҳозирги кунда спортда яхши натижаларга эришган муай тайчилардан бир гуруҳи вилоятнинг ҳуқуқ-тартибот идораларида хизмат қилмоқдалар. Яқин ойлар ичида яна ўн нафар ана шундай ёш спортчилар милиция хизматига қабул қилинди.

Мусобақаларда голиб чиққан йигитчаларга диплом ва қимматбаҳо совғалар топширилди.

С. ЗОҲИДОВ.

Ўзбекистон Республикаси ИИБ Академияси раҳбарияти ва шахсий таркиби профессор, милиция подполковниги А. С. Худайбергенова онаси <b>Анна Никитична ОРЛОВА</b> нинг вафот этганлиги муносабати билан ҳамдардлик билдирадилар.
Тошкент вилояти ИИБ ва Охангарон тумани ИИБ раҳбарияти ва шахсий таркиби туман ИИБ бошлиғи, милиция подполковниги Йўлдошмат Ҳусановга умр йўлдоши <b>Муслима ХУСАНОВА</b> нинг вафот этганлиги муносабати билан чуқур таъзия изҳор қиладилар.
Самарқанд вилояти ИИБ раҳбарияти, шахсий таркиби ва Фаҳрийлар кенгаши ички ишлар идораларининг фаҳрийси <b>Наимжон САТТОРОВ</b> нинг вафот этганлиги муносабати билан марҳумнинг оила аъзолари ва яқинларига чуқур ҳамдардлик билдирадилар.
Сурхондарё вилояти ИИБ раҳбарияти ва шахсий таркиби бошқарма ШТБХ бошлиғи ёрдамчиси, милиция майори Эркин Нормуратович Қурбонмуродовга волидаи муҳтарамаси <b>УЛМАС аянинг</b> вафот этганлиги муносабати билан ҳамдардлик билдирадилар.
Сурхондарё вилояти ИИБ ҳузуридаги кўриқлаш бўлими ҳамда Термиз тумани ИИБ раҳбарияти ва шахсий таркиби шу туман ИИБ ҳузуридаги кўриқлаш бўлинмаси ходими милиция кичик сержанти <b>Баҳодиржон Хушбоқович АБАЗОВ</b> нинг бевақт вафот этганлиги муносабати билан марҳумнинг оила аъзолари ва яқинларига чуқур ҳамдардлик билдирадилар.
Ўзбекистон Республикаси ИИБ Нақлиёт ИИБ Тошкент бекати тармоқ ИИБ раҳбарияти ва шахсий таркиби милиция катта лейтенанти Абдурашид Умаровга падари бузруквори <b>АБДУЛЛА отанинг</b> вафот этганлиги муносабати билан чуқур таъзия изҳор қиладилар.
Булунгур тумани ИИБ раҳбарияти ва шахсий таркиби ЖКБ тезкор вакили милиция лейтенанти Жамшид Эргашевга онаси <b>Мавжуда ЭРГАШЕВ</b> нинг вафот этганлиги муносабати билан ҳамдардлик билдирадилар.

## KELGUSI HAFTA UCHUN MUNAJJIMLAR BASHORATI

**ҚҮЙ (21 март – 20 апрель).** Ушбу ҳафта ишқий саёҳат билан бошланади. Сешанба ва пайшанба кунлари баракали меҳнат қиласиз. Чоршанба кuni моддий аҳволингиз яхшиланади. Жума кuni муҳим амалий учрашув бўлиши кутилмоқда. Якшанба кuni яхши харид қиласиз.

**СИГИР (21 апрель – 21 май).** Душанба кунги амалий музокаралар муваффақиятли яқунланади. Шахсий ҳаётингиз билан боғлиқ кичик муаммоларни чоршанба ва жума кунлари ҳал этмаганингиз маъқул. Дўстларингиз билан шанба кuni кутилаётган учрашув узоқ вақт ёдингизда қолади.

**ЭГИЗАКЛАР (22 май – 21 июнь).** Душанба ва чоршанба кунлари барча йўлаган ниятларингиз амалга ошади. Сешанба кuni ҳамёнингизга пул тушади. Шанба кuni эса ажойиб инсон билан танишасиз. Якшанба кунги сафарлар муваффақиятли яқунланади.

**ҚИСҚИЧБАҚА (22 июнь – 23 июль).** Сешанба кuni кўзлаган режангизда асқотадиган муҳим маълумотни қўлга киритасиз. Моддий аҳволингиз чоршанба кuni яхшиланади. Ҳафтанинг иккинчи ярмида саломатлигингиз билан боғлиқ муаммолар юзага келиши мумкин. Шанба кuni эса оилавий келишмовчиликдан кайфиятингиз тушиб кетади.

**АРСЛОН (24 июль – 23 август).** Душанба кuni иш жойингизда низо келиб чиқиши эҳтимолдан холи эмас. Чоршанба ва пайшанба кунлари ижод билан шуғулланишни маслаҳат берамиз. Жума кuni жароҳат олмай десангиз, жисмоний ишларни бажарганда эҳтиёт бўлинг.

**БОШОҚ (24 август – 23 сентябрь).** Барча муносабатларда сешанба муваффақиятли кундир. Чоршанба кuni шахсий ҳаётингиз билан боғлиқ муаммоларнинг юзага келиши келажак ҳақида йўлашга ундайди. Жума кuni алданиб қолишдан эҳтиёт бўлинг. Дам олиш кунларини ажойиб даврада ўтказасиз.

**ТАРОЗИ (24 сентябрь – 23 октябрь).** Яқин кишингиз душанба кuni кўнглингизни кўтаради. Сешанба кuni катта куч-қувват билан ишга киришасиз. Чоршанба-пайшанба кунлари ажойиб натижаларни қўлга киритишингиз руҳингизни кўтариб юборади. Шанба кунги висол онлари узоқ вақт ёдингизда қолади.

**ЧАЁН (24 октябрь – 22 ноябрь).** Душанба кuni янги дўстлар орттирасиз. Кўшимча даромад ишлаб олиш имконияти чоршанба кuni юзага келади. Жума кuni эҳтиросга берилиб кетишдан ўзингизни тийинг. Дам олиш кунлари уй юмушларини бажарганингиз маъқул.

**ЁЙ (23 ноябрь – 21 декабрь).** Мазкур ҳафтада сизни ташвишга солаётган масалани ҳал этиш учун сафарларга боришингиз ва кўп асабингизни сарфлашингизга тўғри келади. Яқин кунларда эса меҳнат фаоллигингиз натижасида ажойиб натижаларни қўлга киритасиз.

**ТОҒ ЭЧКИСИ (22 декабрь – 20 январь).** Ушбу ҳафтанинг бошида ўзингизда руҳий ва жисмоний ҳаргинлиқни ҳис этасиз. Шу сабабли ишингиз бироз юришмайди. Якшанба кuni кутилмаган учрашувдан кўнглингиз кўтарилади.

**ҚОВҒА (21 январь – 19 февраль).** Сешанба кuni олисдан муҳим масала бўйича кўнгироқ қилишлари мумкин. Яқин кишингиз пайшанба кuni ўзига эътибор беришингизни талаб қилади. Касбингиз билан боғлиқ юмушларни бажариш учун жума қулай кундир. Дам олиш кунлари ишқий саргузашт кутилмоқда.

**БАЛИҚ (20 февраль – 20 март).** Мазкур ҳафтада эски қарзларингиздан қутилиш имконияти бор. Ҳафтанинг иккинчи ярмида қувончи дамларни бошингиздан кечирасиз. Сизни тақдиротлар, премьералар, шоуларга тақлиф этишади.

## O'ZBEKISTON RESPUBLIKASI IIV BIRLASHGAN TAHRIRIYATI

MANZILIMIZ: 700029, Toshkent, Yunus Rajabiy ko'chasi, 1



Gazeta haftaning payshanba kunlari chiqadi.

Bosh muharrir Zokir ATAYEV

Muharrir Erkin SATTOROV (Bosh muharrir o'rinbosari v.b.)

Navbatchi: S. SHAMSIDDINOV Musahhihlar: M. AKRAMOVA G. XOLIQOVA Sahifalovchi va dizayner: A. MIRZAMUHAMEDOV

TELEFONLAR: Bosh muharrir o'rinbosari — .... 139-77-23. muxbirlar bo'limi ..... 139-75-69. Faks ..... 54-37-91.

Gazeta tarqatish masalalari bo'yicha murojaat uchun faks: ..... 54-37-91, peyjer: ... (088) 36-97, 55-19.

Elektron pochta postmaster@urmvd.co.uz

Bizning hisob raqamimiz O'zbekiston Respublikasi Markaziy banki Toshkent shahar Bosh boshqarmasi hisob-kitob — kassa markazida: 21506000200447980001, MFO 00014.

• Ko'chirib bosishda «Postda» dan ekanligini ko'rsatish shart

• Maqolada keltirilgan raqamlar, faktlar va boshqa ma'lumotlar, shuningdek, ochiq e'lon qilinishi mumkin bo'lmagan ma'lumotlar uchun muallif javobgar hisoblanadi.

• Muallifning mulohazasi tahririyat fikriga mos tushmasligi mumkin.

• Qo'lyozmalar tahlil qilinmaydi va qaytarilmaydi.

Ro'yxatdan o'tish tartibi № 00007. Buyurtma Г — 292. Hajmi — 4 bosma taboq. Bosilish — ofset usulida.

Bosishga topshirish vaqti — ..... 19.00. Bosishga topshirildi — ..... 19.00.

Obuna raqami — 180

107 797 nusxada chop etildi.

«SHARQ» nashriyot-matbaa konserni bosmaxonasi. Korxonada manzili: Buyuk Taron ko'chasi 41-uy.

1, 2, 3, 4, 5, 6.